

2

COMMEN

TARIUS IN POSTERIOREM

D. Pauli ad Thessal. Authore Christo-

phoro Hoffman Onoltz.

pachio.

Eiusdem aliud scriptum, de uera
& falsa religione, ei loco qui est in po-
sterioris Epistole ad Thessalonicens.
cap. ii. de imposturis & tyranni-
de graffantibus in Ecclesia Anti-
christi, respondens.

FRANCOFVRTI EX OFFIC

cina Petri Brubachij, Anno

M. D. XLV,



06.6.11.3664

ILLV

STRISSIMO PRINCIPI AC
Domino, D. Ioanni Friderico, sacri Romani
Imperij Electori, Ducis Saxonie, Landgra=
vio Turingie, Marchioni Misnae, ac Burg=
grauio Magdeburgensi, &c. Domi=

no suo clementissimo. Chri=

stophorus Hoffman

S. D.



Surpat hactenus per
multa temporum se-
cula, Illustriss. Prin-
ceps, Ro. Pōtifex pri-
matum sibi in Eccle-
sia, sed quem nullo, ne
que diuino neque hu-
mano iure occupatū
tenet. Nulla item equi-
tate aut iusticia eundem defendit, sed tan-
tum iniquissima tyrānide. Noxiū prēte-
rea & exitiosum Ecclesiæ. Ius em̄ diuinū
istius execrandi primatus nullum potest
ostendi. Quin etiam Episcopi diuinis le-
gibus prohibentur, ullam dominationē
sibi Euangeliū aut Ecclesiæ prætextu que-

E P I S T O L A

rere. Quanta igitur audacia & quantum
scelus est, iactare diuinum ius, quod se-
dulo Ro. Pontifex in suis constitutioni-
bus facit, & nullum istius primatus usq;
esse, aut ostendi posse, sed esse potius con-
trarium & repugnans? Igitur nō potest
suffragari Pōtifici aliud ius, nisi Antichri-
stianum: (de humano iure paulo post di-
cemus,) quo etiam regnare cernimus il-
lum, & late grassari, omnia Ecclesiae dira
tyrannide uastare, & ipsis quoq; mundi
Imperatoribus dominari.

Non ignoramus, quæ scripturæ testi-
monia, iactet uanus, atq; ostētet inaniter
Papa, pro suo execrando primatu fulci-
endo et confirmingo, sed corruptissime
omnia & uiolentissime a uera scripturæ
sententia detorta. Miris modis autem cō-
sentientia mysterio iniquitatis, de q; Pau-
lus uaticinatus est. h. Thess. h. cui uideli-
cer exactissime quadrāt. Quia in alieno
sensu, quam traditæ sunt a Deo, menda-
cio et seductionibus patrocinantur, atq;
eo exactissime quadrant. Id quodiam-
dudum ex multorum scriptis, etiam in-
doctis & pueris palbabile factum est.
Exempli gratia, primum hæc sententia
producitur: Tu es Petrus, & super hanc
Petram edificabo Ecclesiam meam. Mat-
thæi. xvi.

NVNCVPATORIA.

thæi xvi. Deinde coniungitur illa, Ioan.
ult. ad Petrum; Pasce oves meas. Verum
his dictis, aut similibus alijs, tam iuuatur
& stabilitur Papæ primatus, quam illo
ipsius Cain, Gen. iiij. Insurrexit Cain ad-
uersus fratrem suum Habel, & interfecit
eum: aut si quid minus responderet ei Pa-
pæ proposito, quod mihi suo loco expli-
candum est. Immo longe plus affinitatis
habet Papæ propositio, de sua domina-
tione, cum dicto Cain, q̄ cum mandatis
Christi, quorū memini: nam etiā cum mā-
datis Christi nihil quicquam habet.

Porro humana authoritate nō potuit
Ro. Episcopo talis primatus deferri, qua-
li uititur, & qualem arrogat atq; defendit
sibi. Nec licuit Papæ talem quærere, qui
etiāsi ultro ipsi oblatus ab uniuersis toti-
us orbis hominibus fuisset, non potuiss-
et iure suscipere eūdem, certe pro boni
pastoris officio debuit execrari eundem
& fugere, multoq; minus ambire, sectari
& defendere talem. Ut antea Gregorius
fecerat, Ro. Ecclesiæ, huius nominis, pri-
mus Episcopus, hac in reprofecto lon-
ge melior & sanior, quam posteri eius,
usq; ad hæc tempora, fuerunt.

Creuit quidem hominum authoritate
Pontifex, nunc in synodis, nunc ab Im-

EPISTOLA

peratoribus promotus: sed nūquam talis illi primatus oblatus est, qualem suū esse uult uideri, ac credi requirit, cū quē nunc tener. Sed &, ut antea dixi, nō potuit talis, ulli in terris Episcopo deferri. Etsi aliq[ue] tolerabilis ulli Episcopo oblatus esset, nō debuit Ro. Episcopo magis donari; q[uod] alij, ut Constantinopolitano, Antiocheno, aut Moguntino, &c. Vt autem im perium supra uerbum Dei nulli Episcopo cōcedi debuit; Ita nunq[ue] pertinuit ad Episcopos secularis dñationis potestas. Hos enim Christus etiā uerat ac prohibet imperia huius mundi gerere aut affectare. Et Episcoporum lōge diuersissima functio est, a secularis potestatis dominatione.

Sed quid Pontifex interea agit? Totas Ecclesias, uniuersales synodos, oēs Episcopos, quin etiā ipsum uerbū Dei, & seculares q[uod]cū principes, suę unius libidini subiecti ridēdos, calcādos atq[ue] edomandos. Deniq[ue] arrepta insaniēdi occasiōe, uel opiniōe, uel arrogātia sui primatus, quiduis cū quibuslibet, & oīm ordinum hoībus, agēdi, uniuersos molestare cœpit. Dederat autem fortassis hāc occasiōē illi Imperator Phocas, non tñ sua uoluntate, quod certū est, sed per inconfiderātiā. Nec aliud ius pro se habuit Pōtifex, nisi

NVNCVPATORIA.

nisi quod aliud adiecit, plenum fraudis & iniuritatis, q̄ surrexerat iste impostor, ut Antichristi oēs nequicias adimpleret.

Verum ne quis existimet, fuisse aliquā istius primatus in Ecclesia, quo Pōtifex dominatur, necessitatem aut utilitatem, adiūcio nunc breuiter, huius nullam uel necessitatem uel utilitatem unquam fuisse, sed eo constituto, insuperabile datum secutū esse, in quo usq; hodie Ecclesia hæret, quin etiam circūfusa & obruta iacet, ut nō nisi paucissimis contingat ure emergere. Nam Rom. Pontifex in ipsum quoq; Dei uerbum censuram & iudicium sibi sumit, quod unum uniuersas creature iudicat, a nemine iudicandum & nulli subiectum, ne Angelis quidem. ḥ. Cor. x. Hebr. iii. ḥ. Gal. i. &c. Deinde unus supra aliorum omnium hominum iudicia se attollit, & recusat iudicari ab ullo, quātumuis excellētis authoritatis homine. Quia nec scripturarum tractatoribus cedit: quantumuis pure, recte, utiliter atque integre explicit scripturas: ut etiam ipse interim multas myriades fidelium animarum perdat.

Omnibus ponit leges; nō prohibitus nec uniuersalibus synodis, nec autoritate aliorum Episcoporum, ac ne quidem

EPISTOLA

uerbi Dei. Tum etiā uocat sacroſanctas
& inuiolabiles constitutiones, ſua licet
multis modis impia, iniqua, Pharifaica,
minimeq; ferenda mandata. Inſuper &
de articulis fidei ſolus autoritatē ſumit ſi
bi pronunciandi, ut statuat unuſ, quid re
cipiendum aut repudiandum ſit. Vſurpat
etiam potestatem mutadi, ne dicam cor
rumpendi, ipsum uſum Sacramētorum,
qui a Chriſto iuſtitutus eſt, & apud ue
ros Chriſtianos inuiolabilis eſſe debet
ac permanere ſemper. Deniq; de ſcriptu
ræ ſententia pronuncians, ſine ſcripturis
omnia loquitur, definit ac determinat,
plerunq; etiam ſcripturæ ſententiā dā
nat, & fingit tamen ueram illius intelligē
tiā in ſcrinio pectoris ſui reconditam
eſſe, ut aliunde depromi non poſſit. Hu
ijs ſacrilegæ & ſuperbiſſimę præſum
ptionis nihil poiuuit Imperator Phocas
Ro. Pontifici donare, ut certum eſt nec
uoluiffe. Qui etiamſi quid talium rerum
uoluiffet aut donaſſet illi, friuola tamē &
irrita ſtatim in ſui ortu fuiffent. Nihil em
poſteſt hominum authoritas, contra Dei
ordinationes. Ac conſtar, quod Chri
ſtus, cuius eſt ſupra omnes authoritas &
poſteſtas, Epifcopis nihil cōcedit, niſi ut
ministris Euangeli & Sacramentorum.

Solus

NVNC V PATORIA.

Solus enim in regno suo audiendus est,
in quo ipsi quoq; hujus mundi Reges &
Imperatores nihil pr̄sus habēt mandare.

Iam uero quis credat , Imperatorem
Phocam uoluisse ex Ecclesiæ Romanæ
Episcopo Regem mundi creare ? Tantū
abest, ut Cæsaribus dominantem & im-
peritantem . Non potuit suspicari Pho-
cas Ro. Ecclesiæ Episcopos aliquando
per occasionem concessi primatus tan-
ta rabie & furore in illam animi superbi-
am, audaciam, temeritatem consiliorum
& factorum potuisse effterri, in quam per-
uenerunt . Quid uero , aut quales fecerit
Ro. Episcopos Phocas non magnopere
curo, utrem , de qua superuacaneum est
& inutile curiosius disputare . Quanquā
facile intelligi posse opinor , id statuisse
secum ea de re Phocam , semper melius
consultum iri Ecclesiæ, si certus quispiam
Episcopus designatus esset, quem alij au-
diren & sequerentur, certa tamen, & æ-
qua actolerabili lege : Non qui unus in
omnibus, more Dei alicuius , recipien-
dus esset.

Pontificem enim Phocas, ut arbitror,
uoluit esse, inspectorem & iudicem do-
ctrinarum præcipuum quēdam, hoc est,
rectum, uerum, iustum, æquum, scriptu-

EPISTOLA

ræ ueritatem defendantem ac propugnatam, tum nihil aliud. Atq; utinā talis semper quispiam supremus in Ecclesia fuisset, sed ille ipse iudicio Ecclesiæ semper subiectus mansisset. Ut si defecisset ipse a iusto, uero & equo, corripi & corrigi ab alijs potuisset. Nisi hic dicas mihi, Phocā contentionis improbitate & molestia, qua ipsum sollicitauit Bonifacius Papa, huius nominis tertius, fatigatum & fractum, permisisse Ro. Pontificibus suum primatum: quicquid tādem fieret aut discerneretur de Ecclesiæ rebus. Modo Ro. Imperio sic nihil decederet, nec minueretur eius potestas. Sed illud porius existimo, pro mea sententia, sedem Ro. Ecclesiæ delectam fuisse ab Imperatore, (quanquam aliud spectante & quārente Bonifacio, in primatus postulatione.) ut illius semper esset, tanq; alicuius primæ, nō solius tamē, iudicareres Ecclesiæ, maxime autem omnium doctrinas. Utq; dirimeret cōtentiones, & discordias sedaret, discerneret ueras doctrinas a falsis, pias & salutares ab impijs & noxijs. Denique oīa hēc pscripturas a Deo traditas, non potestatis prærogatiua, aut quauis alia temeritate. Atq; adeo uicissim aliorū sententias audiret, & meliora adferenti

NVNCPATORIA.

In medium, nunquam non cedereret.

Porro autem certum est , Phocam in Cæsares nullam Pontificibus potestatē concessisse. Quin potius iussit illos Cæsarum potestati perpetuo subiacere, & illorum autoritate eos institui semper & confirmari debere, quicunq; tandem ad sacerdotalem, seu Pontificiam functionem, ut illa idonei ac digni, fuissent electi . Quodius etiam retinuerunt sibi du Ro. Imperatores, donec Pontifex & Cæsarem & Reges eligere, uocare, instituere, ordinare & creare cœpit. O rerum ini quisimas atq; infaustas uices. Quid obsecro potius let Ecclesiæ Catholicæ Christianæ & que calamitosum accidere? quid ita funestum, atque Pontifices illius, relata gregis Christi cura , fieri Dominos rerum, & mundi Imperatores.

Hæc ad tuam celsitudinem illustrissime & clarissime Princeps deferimus inspicienda & iudicanda , atq; ad aliorum optimorū Christiani orbis principū iudicia & sentētias . Tū in hoc calamitoso tempore rogamus uestram defensionem : adferte opem miseræ, laboranti, adflicte & propemodum extinctæ Ecclesiæ, nisi quantum nunc beneficio uerbi Dei reuiscit. Sed adhuc uaria iniquitate & tyrā-

E P I S T O L A

nide premitur, atq; ita indiget uestro auxilio, piaq; defensione. Vestrum est autē omnino periclitanti Ecclesiæ succurrere, & hanc Ro. Pontificum libidinē, de qua loquor, compescere & coercere. Adhæc curare & efficere, ut doctrinæ Euangelij puritas & integritas, uestro fauore ubiq; liberrime regnet.

Nos interea pro doctorum Ecclesiæ officio istorum fraudes, qui decipiūt, seducūt & perdūt Ecclesiæ, ac simplicitate indocte plebis miris modis abutunt, nō segniter retegemuſ. Atq; hoc ipsum certe arbitror me in mox subiecto scripto nonnihil præstitisse, quod tuo celeberrimo nomini dicare statui, ut illo exornatum, a pluribus cognoscendum & iudicandum rapiatur. Quo enim a pluribus controuersiæ religionis Christianæ cognoscuntur, eo faciliorem & certiorem uictoriā nobis promittimus. Quod ipsi quoq; aduersarij nostri plane intelligunt, atq; ob id prohibēt in suis Regnis, Principatibus & ditionibus, ne quis hec talia, aut nostroq; alia scripta cognoscat.

Spero autem profuturum etiam hoc meum scriptum nonnullis, si forte ab ali quibus legat. Quod fieri equidē uelim non ob aliam causam magis, q; glo-
riam

N V N C V P A T O R I A.

riam gratiæ Christi adserit contra suos
hostes, & pro recuperanda, ad Ecclesia-
rum profectum, Christiana libertate nō
omnino frigide pugnat: ac denique, quia
& Principum honores, contra Ro. Pon-
tificum Antichristianas fraudes & tyrā-
nides, non segniter tuetur. Precamur au-
tem ut Deus consilia & actiones uestras,
atque omnium gubernatorum fortunet.
Te autem ipse Dominus Iesus Christus
seruet nobis diu in columem & sal-
uum, præcipuum hoc tempore
& rarum suæ Ecclesiæ sola-
tium. Bene uale, inclyte
Princeps. Idibus
Aprilis.

Anno Domini, M. D. xlv.

PRAECIPVI LOCI HVIVS
commentarioli.

Fides & dilectio sunt due prime & summae virtutes Christianorum, tum quod dilectio ex fide oriatur, folio	7.
Exemplis & imitatione in Christianis exercita- tis quomodo utendum	11.
Patientiae commendatio	13.
De gloriatione Pauli, ex re per officium bene- gesta	15.
De afflictionum utilitate	25.
De tempore nouissimi iudicij, & quæ forma illius	21.
Apostasia quid, & q[uod] necesse fuit eam ante ex- tremum iudicium fieri	28.
Diaboli horrendum imperium in hominem	31.
Nomina & descriptiones Antichristi, & faci- norosarum operationum eius	31.
Homo peccati & filius perditionis	32.
Species & tituli pietatis in Antichristo	33.
Baptismum in Papatu utilem fuisse, ac usum e- ius rectum & integrum.	34.
Quid sit aduersarium agere, & extollis supra Deum	36.
Visio Prophetica Danielis septimo, de proprie- tatis Antichristi, & de bestia quæ Rom. Imp. adumbrabat	

<i>adumbrabat explicatio</i>	40.
<i>Antichristi impunitates ipfis etiam Apostolo- rum temporibus cœpisse</i>	43.
<i>Pontificia tyrannis audax & temeraria</i>	45.
<i>Pontificia imposturæ uirtute spiritus Christi reteguntur</i>	46.
<i>De signis mendacibus Antichristi & de causis ipsorum</i>	47.
<i>De diuina electione</i>	51.
<i>Fides ueritatis à Paulo quæ dicatur</i>	52.
<i>Fides insigne & rarum Dei donum</i>	56.
<i>De necessitate oratiōis exēplo Pau. docemur 55</i>	
<i>Inordinate qui se gerant & de ociosis</i>	59.

F I N I S.



AD LECTOREM BRE=

uis admonitio.

Sequens scriptum ita partiar. Principio, inte-
grum commentariorum in posteriorem D. Pauli ad
Theſſalo. præmittam. Mox alium separatum adij-
ciam, de uera & falsa religione: in quo plenius tra-
ctabo Rom. Antichristi imposturas, quam facere
statueram in priore commentario. Tum ita tracta-
bo, ut eo loco Pauline Epistole, potissimum
respondeat, qui est cap. 2. de impostu
ris & tyrannide grassantis
Antichristi, grassantis, inquam, intus & in
ipsa Ecclesia Electo-
rum Dei.

COMEN

TARIVS, IN POSTERIOREM
D.Pauli ad Thessalonicenses.

AUTHORE CHRISTOPHORO
Hoffman Onoltz pachio, Illustriſimi
Principis Do. Ioan. Friderici,
Electoris Saxonie ducis,
aulico conciona-
tore.



V& extant D. Pauli Epistolæ ad Thessalonicenses, quarum posterior est prioris quedam coronis & complementum. Nam suo argumento complectitur multa, quæ in priore Epistola pertractantur, eisque adpositæ respondent. Quædam enim illius repetit, & fusius ac diligentius explicat. Ut illa de cruce & persecutiōibus iustorum in Ecclesia pro Euangelio Christi. Quædam integre quidem de nouo dicit, sed occasione prioris scripti. Ut sunt, quæ habentur in secundo capite, de Regno & Tyrannide graſ-

PRÆFATIÖ.

santis intus & in ipsa Ecclesia Antichristi, misereque dilacerantis atque uastans eam. Sunt denique & in tertio capite, quæ habent correspondentia cum his quæ in priore Epistola continentur. Ea uidelicet, quibus agitur de coercendis & comprimendis ociosis istis & curiosis, qui nihil operis faciunt, & scelerate de eleemosyna Ecclesiæ uiuunt.

Nam hæc quoque pars & copiolius & diligentius perscribitur in posteriore Epistola, quam factum est in priore. Si quidem in prioris Epistolæ quarto capitulo modeste & paucis admonuerat istos sui officij, ut & decoro ambularent, & nemini graues atque oneri essent. Sed (ut adparet) nihil aut parum profecerat ea admonitione. Idcirco enim denuo & acerbius scribit talibus, iubēs simul, quomodo sint tractandi, ab ea quæ est Ecclesiæ pars sanior.

Hæc fere est summa argumenti Epistolæ eius, quæ habetur posterior, scripta ab Apostolo Paulo, ad Thessalonices. Nam quod nōdum nactus erat opportunitatem illos inuisendi (& si hanc quæsiērat sedulo) sed impeditus certis alijs negotijs arripere eānō potuit, ut liquet ex his quæ sunt. i. Thels. cap. ii. placuit Apostolo,

PRAEFATIO.

postolo, nouo alio scripto illos consolari, & contra quævis scandala munire. Primum, ne in afflictionibus, quas graues pro Euangelio Christi perferebant, succumberent, & a fide deficerent. Etsi ex ipsa de re non leues consolationes in prioris Epistolæ scripto illis dederat.

Deinde, quoniam in prioris Epistolæ consolatorio argumento tradiderat quædam, defutura resurrectione mortuorum, deque aduentu iudicis Christi in gloria & perfecta liberatione iustorum, ac disseminate exposuisset, quod dies ille iudicij & glorie Christi, qui erit consummatio salutis iustorum hominum, & sempiterne perditionis reproborum, uenturus tandem esset tanquam fur in nocte, hoc est, subito & tempore inexpectato, seu repentina præter omnium expectationem acceleratione, tum reperti sunt quidam, q[uod] asseueratione hanc Apostoli, interpretationi sunt, de temporibus tunc instantibus, quæ si dies ille Christi iamiam in foribus esset, non diu postsecuturus, & uiuetibus adhuc illis quibus Paulus scripserat.

Istor[um] itaq[ue] errori occurrit Apostolus, & diligenter uerat, ne Thessalonicenses in illâ opinionis inanâ ac falsam persuasionem ulla ratione induci sese patiant;

PRAEFATIO.

illud simul declarās, oportere antea graſſari in orbe Christiano Antichristum, & sua simulatiōe, fictionibus, technis, fraudibus & imposturis uastare Ecclesiam Dei, q̄ dies ille iudicij & gloriæ Christi adparitus esset.

Postremū in eos inuehitur acrius, qui propemodum facti erāt incorrigibiles, & suo impio ocio ac perfida curiositate statum Ecclesiæ a se Apostolo & delegato ministro Euangeliū Iesu Christi ordinatum & constitutum labefactabant & corrumpebant. Nam qui tales sunt, in Ecclesia bene instituta ferri haudquaquam debent, nedum, qui tali iniquo ocio nosx̄i sunt alijs, & libidini suæ & ambitioni inferuiunt tantum, atq̄ alijs damnum æternæ perditionis inferunt: nempe, fures & Latrones, ut adpellātur a Christo. Qui per auariciam fictis uerbis questum in Ecclesia faciunt, ut describuntur, secunda Pet. secundo.

ALIA PRAEFATIO DE Epistola argumento.

Doctrinam de iustificatione nostri coram Deo, non explicari in posteriore Pauli ad Thessalonices, Lectori per se notū est, ut nec in

PRÆFATIO.

in priore eiusdem Epistola explicatur. Ex quo uidere est, eam ipsam doctrinā, cum primis necessariā in Ecclesia, Thesalonicenses purā adhuc & illæsam arcē integrā retinuisse. Nec morum parēnes, aut præcepta bonorum operum, quæ ad pœnitentiæ prædicationem pertinēt, & tradi alioqui & præscribi illis, qui doctrina fidei in Christum sunt imbuti, solēt, ulla in posteriore ad Thessal. propoundingur. Nisi paucula illa, de opere faciendo, ut ordinate ambulemus: & nostro sudore panem nobis quæramus. Nam de alijs bonis & necessarijs operib. in prioris Epistolę scripto, satis supercē egerat.

Sed primum caput eam consolatiōem cōtinet, qua succurrit denuo afflictis Apostolus, ne ob persecutionum grauitatem & diuturnitatē quidam in desperationem frangerētur, & a fide in Christum deficerent. Nam in exercitium fidei, spei & charitatis his afflictionum perturbationibus & cruci permittimur a Deo Christiani, atque ut speciosius, & magis preclara laude, honore et gloria cū Christo exaltemur, puehamur, & in cœlestis regni sedibus coronemur, ultione interea Dei immissa in malos, fidei Christianæ persecutores, & hostes glorię Domi

PRAEFATIO.

ni Iesu Christi. Neque enim deerit tandem p̄̄is, qui pro nomine Christi afflictionem passisunt, iusti & æterni premij compensatio, ut nec iustæ & debitæ poenæ retributio malis. Istis maxime, qui Ecclesiam DEI & DOMINI Iesu Christi persequuntur, destrunt, lacerant, diruunt ac uastant misere. Id quod copiose docet Paulus capite primo.

Porro, in secundo capite ea tractantur, quæ declarant, oportuisse primum defectionem fieri & saeuire in Ecclesia, quo quis scelere, superbia, & uiolentia tyrannidis suæ Antichristum, quam ipse DOMINVS IESVS cum gloria sua manifestandus est. Docetur item, nec Antichristum grassari in Ecclesia & uastare pleno imperio omnia potuisse, quam amoueretur antea, qui eius insanis furoribus obstabat, atque impedimento erat. Quid uero oporteat defectionis nomine intelligere: aut quis sit Antichristus ille, de quo Paulus proprie & insignite scribit: denique quis ille, qui amoueri debuit, & præsens nequiciam Antichristi remorabatur, infra in Epistolæ enarratione

PRAEFATIO.

ne conabimur propitio CHRISTO
IESV explicare.

In reliquis secundi capitis agit gratias Deo Apostolus , pro eo beneficio suæ gratiæ , ex quo non obscurè intelligebat Thessalonicenses ad salutem æternæ uitæ percipiendam electos fuisse : quos etiam hortatur ad perseverantiam , qua retinebant fidei dogmata , ac permanebant in eis , quæ dicerant in Euangelij sermone ab Apostolo , & fide receperant . Sed cum omnis uirtutis laus sit a Deo , claudit eum locum cum adiuncta precatio , qua hoc orat Thessalonicensibus , ut diuinitus confirmetur ipso rum corda , & proficiant opere & doctrina .

Tertio capite , præter superius memorata , requirit , ut & precationes pro se Apostolo faciant : eo fine , ut auxilio diuino adiutus , possit Euangelij sermonem & rectius & liberius docere , adeoque cum maiore discen tium fructu: maximeque , ut ne impediatur ab importunis istis & malis hominibus , qui doctrinæ Euangelij cursum nunquam non remorantur . Nam huiusmodi

PRAEFATIO.

pestes communis Ecclesiæ salutis, & gloriæ Dei hostes, nullo tempore non fuerunt, ut tali precatione pro Euāgelij Doctribus, & prædicati uerbi Dei fructu, nunquam nō habeamus opus. Sane hoc tempore cum primis illa indigemus, ut in quo Pontifices simul & Reges Ecclesiæ oppugnant, & uerbi Euangelij prædicationem abolitam quærunt. Prece mur itaq; & nos, ut ipse Dominus Iesus Christus, pro sui nominis honore & gloria, itemq; pro suæ Ecclesiæ incolumitate, istorū furoribus, impietati & demenitiæ resistat, & tueatur, defendat & conseruet suos. Amen.

Exhortationi ad precationem adiecta est proxime consolatio, qua Paulus significat, quod Deus confirmet & defendat illos, qui Euāglio credunt. Quāquam sint pauci numero, & specie contempti, uidelicet, pauperes, ignobiles, et insipiētes, & multis alijs nominibus affecti iuxta carnem. Quemadmodum & i. Cor. i. describuntur. Alij autem, quos habent aduersarios, sint numerosi, diuites, potentes, nobiles & sapientes carne, adde etiam, sua opinione iusti & cæteris sanctiores. Nam istos notat, cum inquit: Non enim oīm est fides. Et uere pios cōsolatur,

solaſ , mox adiçēs : fidelis aut̄ Deus est ,
qui cōfirmabit uos , & custodiet a malo .

Cum igitur nunquam non sint increduli quidam , & hostes gratiæ Dei , & doctrinæ Euāgelij , qui Ecclesiam Iefu Christi cruce & persecutionibus prægrauat , consolationem ex hac Pauli doctrina capiamus & nos , ut quę testatur , quod Deus in quantumcunq; grauibus persecutionibus suos omni auxilio & consolatione nunquam destituit , sed defendit & seruat a quo uis malo .

In Epistolæ fine scribit de noxijs istis & importunitatibus hominibus , q; suo impio & scelerato ocio Ecclesię ordinē , a Christo & Apostolis constitutum , turbant : illum uidelicet , ut qui Euangelium annūciant de Euangeliō uiuant , cæteri ualent & robusti laborent manibus suis , opus faciant , & suum panem manducent , ne cui sint molesti aut graues . Qua de re antea abunde satis dixi . Quanquam autem Paulus præcipiat , ut qui tales sunt se ueriter corripiātur , tñ Ecclesiā , quę sanior est , admonet , ut illa correptiōe istos interim fraterne tractet . Ita docet enim , ut per oēm occasionem oīm saluti cōsumamus , ut si q; emēdari queāt , eos ad pœnitentiā & correctionē sui reducamus .

CAP. I

AVL VS & Siluanus & Ti-
motheus.

P Ecclesiæ Thessalonicensium in
Deo Patre et Domino Iesu Christo.
Gratia uobis & pax, à Deo Patre no-
stro, & Domino Iesu Christo.



T in priore ad Thes-
salonenses Paulus,
ita in posteriore ordi-
tur, retinens eandem
subscriptionis, inscri-
ptionis & salutatio-
nis formam. Quapro-
pter has Epistolæ par-
tes, in prioris enarra-
tione a me expositas, hic paucis solum-
modo pertractabimus, ne penitus intar-
cas relinquamus.

Proinde in subscriptione trium auto-
ritate munit & corroborat Epistolæ do-
ctrinā, sui cū primis, ut Apostoli, imme-
diate a Christo Iesu missi. Deinde, & Sil-
uanī ac Timothei, ut discipulorū, a se A-
postolo

postolo Iesu Christi adprobatorꝝ, & q̄s
pro fidis Doctoribus Euāgeliū ipſe q̄q; ꝑ
Theſſalonicensiū Ecclesiæ recipiebant,
et cōſolationibus eorꝝ libenter utebant.

Inſcriptio testat̄, Epistolā primitus ei
Ecclesię destinatā fuiffe, quæ in Theſſalo-
nica cōcordiſidei unitate unum Deū Pa-
trē & Dñm Iesum Christū adorabat, que
que promiſſorum Euangeliū fidem reti-
nebat. Ut in quibus foliſ continet Chri-
ſtianæ iusticiæ & æternæ uitæ doctrina.
Nec enim potest fine illorum noticia &
ſide quifq; Ecclesiæ beatorum Dei Patriꝝ
& Dñi Iesu Christi recte adnumerari.

Iam uero non minus destinatā eſſe om-
nibus nobis existimemus, quæra in Deū
Patrē & Dñm Iesum Christum fide præ-
ditifimus. Et haud ſcio, an magis proſit
nuñc Ecclesiæ, quæ his poſtremis tēpori-
bus reuelati Antichristi legit Epistolā, q̄
unq; profuit. Nā ſine ea uix ſatis cogno-
ſcipotuiſſet, nunc ſequiens in Ecclesia, fu-
renſ Antichristus, ac uaſtans illam.

Salutatio eſt imprecatiō quędā diuinī
fauoris & donorꝝ eius. Nā gratia signifi-
cat illū fauore diuinę bonitatis, qua oī-
bus Ecclesijs adest, et remittit p̄ctā ppter
Christū illis q̄ credūt in eū. Cōpleteſt etiā
donationē Spūs sancti, & inchoationē

COMMENT. IN II. EPIST.

nouæ spiritualis & æternæ uitæ. Pax est animorum tranquillitas & certitudo, de adprehensa reconciliatione cum Deo & adepta æternæ uitæ fœlicitate, proueniens homini ex promissorë Euāgelij fide.

Significat etiā reliqua dona Spiritua-
lia, atque eam prosperitatē, qua singulis
certa a Deo corporalia dona contin-
gunt : deniq; quicquid est beneficiorum
Dei, ut quæ omnia per Christum accipi-
mus. Ipso quoq; autore & largitore om-
niū cum Deo Patre, non tñ mediatore.

Gratias agere debemus Deo sem-
per pro uobis fratres, ita ut dignum
est, quod ualde crescit fides uestra,
& abundat charitas, uniuscuiuscq; ue-
strum, erga uos inuicem.

*Exordia pau-
lina à gratia
rum actione.*

Ita fere orditur Paulus, & in alijs suis
scriptis, a gratiarum actione, agens cum
illis quibus donum iustificationis conti-
gerat. Quemadmodum hoc loco prædi-
cat Thessalonicensium uirtutes, fidem et
dilectionem, ac retinens suum morem,
& exēplo nōs erudiens, de glorificando
Deo, pro suis donis. Exempla similissima
ordiorum nihil opus est recitare, ut quæ
sunt

AD THESSAL. CAP. I.

sunt nota & obuiā legētib. Pauli scripta.

Cæterum fides & dilectio sunt duę pri
mæ & summæ uirtutes Christianorum, Defide & di
lectione.
altera per Euāgeliū, & altera diuina le
ge docetur. Loquitur enim Apostolus
de fide acceptante Euangeliū promissio
nem, quæ est specialis illa, iustificans im
pium & peccatorem. Dilectionem uero
eam prædicat, quæ est legis plenitudo.
Itaq; per fidem consequimur remissionē
peccati & æternam uitam, nomine Chri
sti, quemadmodum in Euangelio doce
mur. Atq; ita iusti censemur, & sumus fi
lii Dei & hæredes fœlicitatis æternæ. Di
lectione autem fidei uirtutē exercemus,
& facimus mandata legis, Deoq; debi
tum, & iustum cultum, recepti in gratiā
per fidem, præstamus. Ideo ex his dua
bus uirtutibus reliquæ Christianorum
omnes promanant, & fiunt gratæ atque
acceptæ Deo.

Nec potest sine fide quisquā Deo pla
cere. Nō enim accepti sumus illi, per me
rita factorum nostrorum, sed per suam i
psiū gratiam, quæ præstata est nobis in
Christo Iesu. Per fidem autem illi place
re dicimur, quia hæc adprehendit & ac
ceptat Euangeliū promissionem, de rea
missione peccati & donatione æternæ

Abac. 2:

Ioan. 1. 46:

COMMENT. IN II. EPIST.

uitæ , quæ nobis promeruit Seruator Christus. Et quæcūq; opera, etiam sacra tissima illa Decalogi , a Deo præcepta, & a Christo & Apostolis prædicata, sine dilectionis spiritu facimus, sunt hypocritarum iusticiæ & inutiles cultus . Iuxta il lud Christi, Matt. v. Dico uobis: Nisi ab hūdauerit iusticia uestra plusquam Scribarum & Phariseorum non intrabitis in Regnum cœlorum. Loquitur enim de iusticia, quæ est diuina lege præcepta, & in Decalogi mandatis prædicatur, cuius sumus & Christiani debitores. Paulus itaque prædicans dilectionem, loquitur de operibus Decalogi , ac sentit de tota obediētia nostra, interna & externa, interna cordis, & externa obedientiæ factorum nostrorum . Nam quæ præcepta sunt nobis a Deo bona opera , debent perfici ex amore Dei legis & proximi.

Dilectio ori-
tur ex fide.

Sed is amor nullus potest haberi, sine fide in Christum . Oportet enim ut Deū placatum nobis, remittere peccata et donare æternam uitam , fide per Christum ante omnia nouerimus, neq; prius, aut si ne hoc sensu in nobis, dilectionis spiritū consequi possumus . Et quoniam dilectio oritur ex fide , dicimur conditi esse per Christum Iesum ad opera bona, que præpara-

AD THESSAL. CAP. I. 9

præparauit Deus, ut in illis ambulemus.
Ephe. secundo. Sunt igitur coniunctæ
uirtutes, fides & dilectio, necessariæ in
Christianis. Ideo qui altera caret, am-
babus carere conuincitur, & nihil esse
coram Deo. Sicut qui uacui sunt dilec-
tionis, Deo placere nō possunt, & pro-
cul dubio uera quoque fide in Christum
destituuntur. Nam fides, quæ coram
Deo ualet, res est per charitatē efficax,
ut docetur Gal. v.

Necessariam autem utramque uirtutē
facimus, tam fidem quam dilectionem,
non quod dilectione, aut factis operum
nostrorum, ut est fidei coniuncta, remissio
nē peccati & uitā eternam mereamur, fide
ēm, ut dixi, per Christum, hęc diuinæ
gratiæ beneficia consequimur, sed quod
fides, & ex fide præstata dilectio exuscit-
tant, alunt & conseruant in nobis spem
salutis æternæ uitæ. Non quod spes no-
stra dilectione nitatur, sed quod iusti-
cia bonæ conscientiæ nulla est sine dilec-
tione, qua amissa neque fides neque spiri-
tus sanctus retineri tandem possunt. Nā
qui flagitiose uiuūt, & operibus dilectio-
nis destituuntur, que præstare potuerūt,
habent peccatum perpetuo redarguens
& accusans ipsos intus corā Deo, Id quod

1. Cor. 13.

Gal. 5. &c.

Matt. 25.

Luc. 10.

COMMENT. IN II. EPIST.

excudit tandem fidem & ipsum adeo spiritum sanctum, & gignit desperationē. Nec quisquam talium potest regni Dei hæreditatem consequi.

Oritur autem & spes æternæ salutis, ex sola in Christum fide, qui uidelicet est spes nostra.i. Timoth.i. Et consummata salus nostra.i. Cor.i. Proinde in Christū credimus, ut per fidem nominis eius remissionem peccati & uitam æternam obtineamus. Dilectionē uero alij finibus præstamus, nempe, glorificandi Deistū dio & faciendi eius mandata, quæ nemo impune negligere aut contemnere potest. Quapropter, ut præcepta obedientia alit et conseruat fidem & spem: ita neglecta & posthabita excudit utramque hanc uirtutem, & coniicit in desperationem. Etsi iustificatio nostri coram Deo, & quod sequitur inde præmium iusticiæ æterna uita, sint dona gratuita diuinæ beneficentiæ per Christum.

Huc facit illud.i.Ioan.iiij. Charissimi, si cor nostrum non reprehenderit nos, si duciam habemus ad Deum, et quicquid petierimus accipiemus ab eo. Quoniam mandata eius custodimus, & ea, quæ placitasunt coram eo, facimus. Et hoc est mandatum eius, ut credamus in nomine filij

AD THESSAL. CAP. I. 9

filiū eius Iesu Christi, & diligamus alterū trum, sicut dedit mandatū nobis. Et qui seruat iuncta ēius, in illo manet, et ipse in eo. Et per hoc scimus, quod manet in nobis, per sp̄itum quēm dedit nobis.

Ita Ioannes prædicat iusticiam bonæ conscientiæ, quā destituuntur, quos cor suum, seu conscientia prauī operis & ini qui facti, reprehendit & accusat: nempe, rebelles & inobsequentes Dei mādatis. Nulla enim aliunde hominibus conscientia peccati est, aut iusta cordis reprehensio, nec esse debet, nisi ex transgressione mandatorum Dei. Hypocritæ enim collunt Deum doctrinā & obseruatiōibus mandatorum hominum, & timent Deū illorū uiolatione, ubi non est timendus. Adhæc coniungit dilectionem cum fide Ioannes, & utramq; uirtutem prædicat necessariam: Quia utramq; testatur præceptam esse a Deo. Ac dicit, in eo manere Deum, qui per obedientiam mādato rum eius in Deo manet. Hoc est, non faci uere Deum aut propiciū esse, nisi ei, qui uera in Christum fide prædictus est, & dilectionis uirtute, quæ proximi necessitatibus dedita est, nō est destitutus. Postremum docet idem Apostolus, quod præsentia Spiritus sancti declareret, manere in

COMMENT. IN II. EPIST.

nobis Deum. Iam uero qui Spíritu sancto prædicti sunt, faciunt Dei mandata. Nam spíritus ille uiuificat corda nostra, & facit obsequentes nos & obtemperantes Dei mandatis. Ita ut scriptū est in Prophetis, & quemadmodum liquet ex ijs, quæ sunt Gal. v. de fructibus spíritus.

Summa. Fide iusti dicimur & sumus, eaque sola. Eo quod Christiana iusticia, qua beati efficiuntur coram Deo, est ipsa peccati & delictorum nostrorum remissio, quam promeruit omnibus Seruator Christus, precium semetipsum dans & satisfactionem pro nostris peccatis. Deinde, q̄ illa ipsa remissio peccati, seu iustificatio nostri, quę fit ex aliena bñficiencia, ut dicitū est, a nemine aliter accipit aut obtinetur, nisi perfidem in Christū: quæ comitem habet ueram illam dilectionē, qua studio glorificādi Dei, et honore nominis Iesu Christi, obedientiæ mandato, rum legis addicti sumus, ac necessitati et utilitatibus proximi seruimus.

Ideo si quis doctrinam de iustificatiōne nostricorā Deo explicet, is recte docuerit, iustificationem illam fieri gratuita remissione nostri peccati per Christū, seu imputatione alienæ iusticiæ, uidelicet Christi, qui peccati remissionem sui sanguinis

sanguinis effusioē nobis promeruit. Tū ipsam adeo fidem in Christum, esse iusticiā, qua fœlicitatem æternæ uitæ cōsequimur. Quāquam autem & dilectio est iusticia, siue potius fructus iusticiae, in illis qui Euangeliō credunt, præcepta Dei lege, non est tamen caussa remissionis peccati, sed propitiator Christus. Nec consequimur per eam æternæ uitæ donum, sed per Christum, quatenus in hunc credimus. Quapropter in sincera dilectionis præstatione longe abesse debemus, ab impijs opinionibus merendi nostris factis seu operibus, gratiam, aut æternam uitam.

Est autē spiritualis cultus dilectio, præstata ex fide, & habet sua p̄mia in cœlis. i. Pet. 2.
Luc. 10.
Nec de aliorum operibus existimandū est, q̄ habitura sint sua & certa præmia post hanc uitam coram Deo. Per se enim in nemine tanta est, ut possit Deo placere, multo q̄ minus hominē illi reconciliare, quæcunq̄ obedientia seu dilectionis virtus a nobis habetur. Sed opera, seu facta nostra, quatenus a nobis sicut ex fide placati Dei Patris p̄ Christū, grata sunt & accepta corā Deo. Nā oēs iusticie nostræ per se sunt immundæ & imperfectæ, & in iudicium Dei reuocatæ nō possunt

COMMENT. IN II. EPIST.

non reprehendi. Sicut testatur illud prophete. Psal. cxliij. Et ne intres in iudicium cum seruo tuo, quia non iustificabitur in conspectu tuo omnis uiuens. Item illud Christi . Luc. xvij . Cum feceritis omnia, quæ præcepra sunt uobis, dicite, servi inutiles sumus, quod debuimus facere, fecimus. Denique, quæ extat copiosa disputatio, de imperfectione nostræ iusticiæ, Rom. viij. In Christo autem sunt novi & spirituales cultus, uidelicet, renatorum, quibus sunt remissa peccata. Tum etiam, quibus non imputatur, si quid in perfectionis habent, dum modo permaneant in fide, & pergant in studio proficiendi, ut subinde melius præstent, quod bene cœperunt.

Obseruemus etiam laudari a Paulo in Thessalonicensibus, quod in fide & dilectione ualde crescebant. Nam illæ uirtutes subinde augescunt, & recipiunt sua incrementa, donec perficiantur. Neque factus est subito quisquam perfectus totus, siue in fide, siue in dilectione. Sed & quam diu in carne uiuimus, non pertingimus ad earum perfectionem, quemadmodū & paulo ante docuimus , opera nostra habere omnia suam quandam immunitatem & imperfectionem. Iam enim proficiendi

ficiendi tempus est, in quo omnibus nobis enitendum est ad Christianam perfectionem, idq; agendum est in omni uita nostra, donec carnalitas nostra penitus aboleatur, & in nouos homines exuscitemur. Maxime uero in hoc rogādus est a nobis Deus continuis precationibus, ut confirmet & corroboret nos, ac faciat crescere in uniuersitate Christiana pietate, donec uelut nos ex hac uita migrare, quæ adhuc est carnalitatis plena, & ad perfectionem iusticiæ deducere, tandemque præmium illius conferre in coelis.

Porro hæc omnia nos, si Christianis exercitijs delectamur, rapiemus in exemplum & imitationem. Primum, a persona Pauli, ut pro eisdem, aut similibus alijs donis, si quæ aut nobis aut alijs contigerunt, gratias agamus Deo, tum pro nobis, tum etiā pro alijs. Hoc enim maxime conuenit & dignum est, ut Deum pro donis suis glorificemus, tum quæ in nos contulit, tum etiam quæ in alios. Deinde, ut nunquam beatores nos esse existimemus, aut ullos homines, q; cum his ipsis donis, seu uirtutibus a Deo donatis, hoc est, uera in Deum per Christum fide, ueracq; dilectione adornati fuerimus, in eisq; crescendo perseuerauerimus. Ne

*Exemplum
& imitatio.*

COMMENT. IN II. EPIST.

putes exigua rem esse , pro qua nos suo exemplo Apostolus docet gratias age re, et glorificare Deum. Nam & Christia ni sumus his uirtutibus , & foelicitatis æternæ efficimur haeredes; si tamen crescēdo permanserimus in illis . Quicunque enim perseuerauerit usque in fine m , hic saluus erit. Matth. xxiiij.

Postea respiciamus in exercitia alia Theffalonicensiū, & alia exēpli imitatio ne glorificemus Deū Patrē nostrę , & redemptorē Christū Iesum, hoc est, doctrinę fidei in Christū simus studiosi ac ueri alumni, & amplectamur eā toto cordis desyderio, & sanctarę scripturarę tractatione cōfirmemus. Ut hęc quoq; laus tribuit a Luc. Theffalonicēsibus, Act. xvij. Ad hęc supplicationibus ad Deū institutis & factis, rogemus pro perfectione si dei & officiorę dilectionis : tum etiā, ne in crucis & afflictionū difficultatib . ab his exercitijs pietatis deūciamur. Si tñ didicimus, Deū uere esse autore & largitorē istorę donorę. Sciamus sive in Christum aboleri pētū & mortē: & dilectionem, quae inde orit, nō esse uacuam uirtutem. Ac pbemus illam uere adesse nobis, nē pe: simus alij in alios mutuis dilectionis operibus prop̄sī; fraterna charitate feruentes,

uētes, egenos uagosq; hospicio suscipia
mus, pascamus famelicos, nudos uestia
mus, quisq; pro sua facultate. Tristes cō-
solemur, remittamus offensas, si q; nos le-
serunt, quemadmodū & Christus cōdo-
nauit nobis, ita & nos: fide imbecilles su-
scipiamus & cōfirmemus, lapsos eriga-
mus, pusillanimes consolemur: errantes
reducamus ac leniter corripiamus, siue,
ut Paulus inqt, spū māsueto. Summa, oī-
bus seruire & pdesse, quacūq; occasiōe,
& quantū per nos fieri pōt, studeamus.

Hæc sunt enim uera & utilia dilectio-
nis exercitia, opera & facta: & præcepti
a Deo, & debiti cultus, q;s illi exhibea-
mus. Neque uult, neque amat, aut dele-
ctatur a nobis glorificari alijs cultibus,
quam quos ipse præcepit. Ac notum est Matth. 5.
hæc dilectionis obsequia nos debere, a/
amicis pariter & inimicis, bonis, malis,
gratis & ingratis. Ita tamen, ut domesti
corum, & cōmuni in Christum fide no-
bis coniunctorum primam rationem ha-
beamus. Necq; prætextu dilectionis, aut
præceptæ nobis a Deo obedientiæ, in
fauore impiorum homin quicq; admitta-
mus contra Dei uoluntatem. Siquidem
Deo in oībus primus honor & prima Luc. 14.
obedientia debetur. Et Christus inquit;

COMMENT. IN II. EPIST.

Si quis uenit ad me, & non odit Patrem suum, & Matrem & uxorem & filios & fratres & sorores, adhuc aut & animam suam, non potest meus esse discipulus. Et qui non baiular crucem suam & uenit post me, non potest meus esse discipulus.

Aff. s. Et Apostoli respondent Magistratibus, impia præcipientibus; Obedire oportet Deo magis, quam hominibus. Rursus Christus præcipiens Mathei xxij. Reddite, quæ sunt Cæsar is, Cæsari, &c., quæ sunt Dei, Deo; discernit autoritatem Dei a Cæsar is autoritate, ac primas Deo iubet deferri; Cæsari autem illa sua, quæ Deus ordinauit & iussit illi reddi, quæ qualia sint, docetur Rom. xiij. Neq; permittit fieri in Cæsar is fauorem, quæ uoluntati Dei aduersantur & pugnant,

Non est igitur ociosa doctrina, in illa Pauli gratiarum actione. Quia ut glorificat Deum Patrem & pro gratiæ beneficj cœlebrat; ita erudit discentes utiliter, ac uocat ad imitationem. Vtrumq; autem pulchrum est & dignum, quod præcipuo studio urgeant Christiani, & summa diligentia propagent. Nam & debemus confessionem sue laudis Deo, & gratiarum actionem, tum pro donis quæ nos adepti sumus, tum etiā pro illis, quæ alij obtinuerunt;

nuerunt. Inuocationem quoq; ne cœlestis gratie donis nostra socordia indigens nos faciamus, aut nostro uicio sterilescant, quæ accepimus, sed ut copiosum fructum inde faciamus. Quanquam au-
tem hæc fidei et dilectionis exercitia rideant hypocritæ & Pharisaici spiritus, tan-
quam ieiuna & nihili opera : & alia sibi deligant, per quæ sint in admiratione a-
pud homines, & pro iustis habeantur, ta-
mēnos sciamus uere magna esse coram
Deo & placita illi ; nec ita uulgaria, ut a
fastuosis spiritibus esse singuntur. Quin-
etiam sunt talia, ut homini uerè pietatis
studio, nunquam relinquat ocium ad
alia se conferendi.

Ita ut nos ipsi de uobis gloriemur
in Ecclesia Dei , de patientia uestra
& fide, in omnibus persecutionibus
uestris & tribulationibus, quas susti-
netis in exemplum iusti iudicij Dei,
ut digni fiat regno Dei , pro quo
& patimini.

His aliā uirtutem fidei prædicat Apo-
stolus Paulus, nempe, patientiam in cala-
mitatibus corporalibus, quæ Thessalo-
nicenses pro nomine & gloria Christi

COMMENT. IN II. EPIST.

perferebant. Sed hic obseruet̄ primū pīc gloriatiōis exemplū in Ecclesię docto-
re, cui inserta est deinde consolatio illa,
sumpta a testimonio, seu documento &
declaratiōne, iusti iudicij Dei Patris no-
stri, q̄ uidelicet ille liberaturus est tādem
suos, q̄s homines impīj afflixerunt, & e-
os impios æternis cruciatibus punitu-
rus. Quapropter, ut recte cœpit a ḡra
actione, pro iustificatione. Ita pulchre &
decēter progredit̄ ad illam gloriatiōnē,
qua in alijs Ecclesijs exultās prædicabat
& gloriabat̄, quantum per Euangeliū ser-
monē apud Thessalonicē, fructificasset.

De gloriatiō-
ne Pauli, ex
r̄ per offici-
um bene ge-
stā.

Non igitur erat superba & uana ia-
stantia illa Apostoli Pauli gloriatiō, sed
pietas, qua uerbi Dei fructū dignis præ-
conijs uehebat, & laudabat utiliter: & ip-
sis adeo Thessalonicensibus gratulaba-
tur, q̄ ita & in tantū confirmati essent, ut
nulla periculorum aut persequentiū se-
atrocitate ad fidei defectionē frangi pos-
sent. Hoc uero quid erat, nisi eius totius
uirtutis laudē Deo ferre acceptā? Nam
hoc est docere, qua uirtute efficax est in
nobis Deus, omne beneplacitum suum
in nobis perficere, & constantiam illam
operari, qua perseverantię uirtutē in per-
secutiōe declaramus. Hoc enim facit, per
uerbi

uerbisui potētiam & gloriam, cuius habet ministros & dispētatores, tum Apo-
stolos, tum etiā alios Ecclesiæ doctores.

Iam etiā Apostolum Paulū in hac ipsa
gloriatiōe nō spectare principaliter nisi
Deilaudē & uerbi Euangeliū gloriā, a se
quidem Apostolo Iesu Christi prædica-
ti, uel ex eo liquet, q̄ mox ab huius Epi-
stolæ initio orsus est a gratiaḡ actione,
qua uniuersam Thessalonicensiū uirtutē
retulit ad gloriam Dei. Nihil igitur iacta-
bat, tanq̄ de sua priuata uirtute, sed tanq̄
de uirtute uerbi Dei. Aut certe, tanq̄ dete-
stimonio bonæ conscientiæ, qua officio
& munere docēdi recte & fœliciter usus
fuerat. Nouerat Doctores sine Dei uirtu-
te nihil posse, immo nihil neq; cogitare
utiliter, nedum conari aut efficere cum
fructu, nisi quicqd Deus per illos opera-
tur. Sunt em̄ cooperarij Dei, Ecclesiæ au-
tem, Dei agricultura & edificatio. Et cœ-
lestis agricola ille solus plantatis & riga-
tis per Apostolos dat incrementum.

Quapropter non uoluit Paulus aliqd
arrogare sibi de hac tanta laude, qua
Thessalonenses patientiam & fidem in
summis corporalium persecutionū diffi-
cultatibus retinebāt, sed testari, Deū sua
unius uirtute & potentia in electis suis

2.Cor. 8.

1.Cor. 3.

COMMENT. IN II. EPIST.

per sermonem Euangeliū, cuius ipse Doctor em egerat, efficacem esse. Et tamen sciebat, quod profectus credentium est aliquousque piorum Doctorum gloria, & ambiendam esse eam laudem, qua testimonium bonę conscientię, de officio fideliter prēstito, retineas. Non sunt enim boni aut fideles Ecclesię ministri, q̄ non hoc agunt, ut aliquam laudem officij fideliter prēstiti, & rei fœliciter gestę, obtineant. Ut in repub. ciuili Principes hoc agere debent, ut cum summa laude celebrari eorū uirtutes, & labores quos sustinent, & pericula quę subeunt, pro subditorum incolumente, possint, & ipsi adeo in conscientijs, & apud alios, illam defendere, & utiliter prēdicare.

Matth. 25.
Ezech. 3.

Nam & dedecus est, & condemnatio-
nis pœna illos sequetur, qui desides nul-
lum officium bonorum Ecclesię Docto-
rum in Ecclesia fecerunt, quamquam di-
spensatio illis commissa fuit. Affectent i-
gitur & querāt eam laudem Ecclesię Do-
ctores, quia non immerito ipsi prēdicare
de se possint, quod fidelitatem & probi-
tatem in officio seruarint & prēstiterint.
Idq̄ existimenter summę glorię esse sibi co-
ram Deo & Ecclesia, ut etiam Paulus ar-
bitratur, i. Thess. ij. Ita scribit enim eo lo-
co

co. Quæ est enim nostra spes aut gaudium
aut corona gloriae? Nonne uos coram
Domino nostro Iesu Christo in aduen-
tu eius? Vos enim estis gloria nostra &
gaudium. Et de Philippensem uirtute,
Phil. iii. Lucetis tamquam luminaria in mu-
ndo, uerbum uitæ retinente, ut glorierin
die Christi, quod non in uacuum cucur-
ri, nec in uanum laborauim.

Est rursus aliud, quod laudabilem ef-
ficit Apostoli gloriationem. Quod em-
coram Ecclesijs gloriatur de Thessalonici
censum patientia & fide, quas uirtutes
retinebant in maximis summarum per-
secutionum difficultatibus, id facit ut eti-
am alios animet ad exempli & pulcher-
rimæ uirtutis imitationem. Hoc est, tam
patientiae in tribulationibus, quam fidei
in illis tribulationibus retentæ. Et hoc i-
pso argumēto hortat subocculte Thes-
salonicenses ad ulteriorem perseveranti-
am, quam retineant ad huius uitæ finem
usq;. Proinde, hoc exemplum nos quo-
que docet, quotquot uerbum Dei disci-
mus, qualem & qualiter oportet præsta-
re singulos obedientiam erga diuini uer-
bi Doctores, si modo salutem æternæ ui-
tæ consequi uelimus, nimirum talem &
taliter, dicto sumus obedientes, & obtem-

COMMENT. IN IL. EPIST.

peremus eorum doctrinę & salutaribus
monitis, ut bene sperent & gaudeant ip-
si quoq; de fructu suorum laborū: neq;
perturbemus illos, q̄s habemus uigiles
& custodes salutis aīar̄ nostrar̄. Vt etiā
doceſ, Hebr. xiij. Obedite pr̄positis ue-
stris & cedite eis. Ipsī em̄ uigilāt tanq; rō-
nem pro aīabus uestris reddituri, ut cum
gaudio hoc faciāt, & non gemētes. Hoc
em̄ nō expedit uobis. Sed nūc de afflīti-
onū corporaliūfructū, in illis q̄ patiētiā
retinēt ac manēt i fide, seorsim dicamus.

DE AFFLITIONVM utilitate.

Afflictiones corporales non sunt
eiusdem generis. Aliæ enim acci-
dunt nobis pro honore & gloria
noīs Christi, alię ut castigatiemē-
demur. Et rursus alię alia de cauſa; idcir-
co multiplex est illar̄ oīm fructus, in il-
lis qui patientiā retinēt & fidē. Sed Apo-
stolo Paulo, in hoc cōtextu quē explicā-
mus, de illis prioribus, quas sustinemus
pro honore noīs Christi & Euāgelij glo-
ria, potissimū sermo est, quę etiā pr̄ebēt
uberiore materiā gloriādi de afflictionis-
bus & exercēt patientię ac spei in Deū.
Primū em̄ est ingēs gloria & fœlicitas
pro

pro Christi noīe afflictioē pati: & sequū turillas etiā ingētia prēmia in cœlis. lux ta illud Petri: Coicantes Christi passiōib⁹ gaudete, ut & in reuelatiōe glorię eius gaudeatis exultantes. Si exp̄brať uobis Christi nomē, beati eritis. Itē: Nemo uestrę patiat̄ ut homicida, aut fur, aut facinorosus, aut insidiator. Si aut̄ ut Christianus, non erubescat: glorificet autem Deum isto nomine. In id respicientes Apostoli, Act. v. uirgis cefi, ne loquerētur in nomine Iesu, discedebant gaudentes, quod digni habit̄ essent pro nomine Iesu contumeliā pati. Nam & talibus dicitur, Mat. v. Gaudete & exultate, qm̄ merces uestra copiosa est in cœlis. Atq; eas afflictioēs prēdicat Paulus eximium donum Dei esse. Phil. i. Quia uobis donatū est pro Christo, ut non solum in eum creditatis, sed etiam pro illo patiamini.

Iam etiam nulla patiētia adesse nobis potest, nisi expositi uarijs afflictionum periculis probemur. Idcirco & ad experientū nostri, & pbatōne affligimur: quod & Petrus docet, i. Pet. i. Exultate, cū paulisper nūc affligimini uarijs tentatiōibus, ut pbatō fidei uestrę multo preciosior pereunte auro, quod per ignem probat̄, reperiatur. Et Paulus testatur, q;

Fides,

Patientia

COMMENT. IN IL EPIST.

materiam prēbeant exercendę patientię & spei in Deum. Rom. v. Gloriamur in afflictionibus, scientes quod afflictio patientiam operatur, patientia autem probationem, probatio uero spem. Spes autem non confundit.

Placuit igitur Deo suos uarijs tribulationum temptationibus obijcere, ac ueluti atterere per illas, ut illa probatiōe sui patientiam exerceant & declarent, & spem salutis firmam concipient. Quę afflictionum utilitas tanta est, ut maior esse nequeat. Non quod spes salutis firma afflictionum nostrarum meritis nitatur, sed quod patientia amissa, quę prēstanta est in afflictionibus, testimonium bonę cōscientię, & fides seu spes salutis non possint retineri, & quod in patientia, seu tolerantia afflictionum, bene sperare liceat fidibus, seu credentibus in Christum Iesum. Dicit enim scriptura: Omnis quicūque confessus fuerit me coram hominibus, & filius hominis confitebitur illum coram angelis Dei. Qui autem negauerit me coram hominibus, negabitur coram Angelis Dei. Luc. xiiij. His similia supra docuimus, in loco de dilectione.

De illis afflictionibus, quę innostrī ad monitionem & correptionem fiunt, ut castigati

castigati emendemur , extant scripturæ testimonia, Prouer. iii. & Heb. xii. Fili mihi noli negligere disciplinam Domini, neque fatigeris dum ab eo argueris. Quem enim diligit Dominus castigat: flagellat autem omnem filium quem recipit. Si in disciplina perseueratis, tanquam filii uobis se offert Deus. Quis enim filius, quem non corripit Pater? Quod si extra disciplinam estis cuius participes sunt omnes filii, ergo spuri & non filii estis. Deinde, Patres quidem carnis nostræ eruditores habuimus, & reuerebamur eos: quin multo magis obtemperabimus Patri Spirituum & uiuemus? Et illi quidem in tempore paucorum dierum secundum uoluntatem suam erudiebant nos, hic autem ad id quod utile est in recipiendo sanctificationem eius. Omnis autem disciplina in præsenti quidem uidetur non esse gaudium, sed moeroris, postea autem fructum fœlicem iusticiæ reddit exercitatis per eam.

Vult igitur afflictiones Deus esse affida exercitia pœnitentia & inuocatio[nis]. Idque David intelligens, Psal. exix. inquit: Bonum mihi quod humiliatus sum, ut discam statuta tua. Et Psalm. cxx. Ad Dominum in tribulatione mea clamaui, & respondit mihi. Ita Ierem. xxxi.



COMMENT. IN II. EPIST.

Castigaſti me Domine & eruditus sum,
quasi iuuenculus indomitus. Conuerte
me & conuertar, quia tu Dominus De-
us meus. Postq[ue] enim conuertisti me, egi
pœnitentiā &c. Et Eſa. xxvi. Dñe in an-
gustia requisiuerunt te , in tribulatione
murmuris doctrina tua in eis. Sicut quæ
cōcepit, cum adpropinquauerit ad par-
tum dolens, clamat in doloribus suis, sic
facti sumus. Huc facit illud Pauli, i. Cor.
xi. Dum iudicamur aūt a Dño, corripi-
mur, ut non cum hoc mundo dānemur.

Hæc abunde docent, bono nostri cor-
ripinos a Deo , tum ut pœnitentiā aga-
mus, tum etiam ut ad inuocationē exci-
temur. Nam & habent afflīcti ingentes
promissiones, uidelicet, quod Deus no-
lit deesse illis inuocantibus se in tribula-
tione. Vt Psal. xl ix. Inuoca me in die tri-
bulatiōis, eripiam te & glorificabis me.
Hæc intelligentes hoc agamus, ne corre-
pti magis induremus corda nostra, sed
per conuersationem nostri ad Deum pœ-
nitentiam agamus & inuocemus Dñm.
Atq[ue] ita re, quæ plus mœroris habere ui-
detur, q[uod] utilitatis, in conimodum nostrę
bene utamur. Cauēdum est enim, ne rua-
mus in impatientiam & murmura afflī-
cti , blasphemantes iudicia Dei, & simul
exclu-

excludentes nos a bona erga nos eius et
propicia uoluntate.

Iam deniq; etiam illud cōsyderemus,
quod afflictiones Deus uult esse testimo-
nia doctrinæ, & quod aliud iudicium re-
stet, quo ille æternis cruciatibus puniet
malos, & bonis conferet præmia coele-
stis & æternæ uitæ ac gloriæ. In hæc futu-
ra iudicia respiciamus, quorum nos
Paulus diserte admonet, & retineamus
patientiam & fidem. Nam ita fit qui-
dem, ut Christus inquit, eritis odio om-
nibus hominibus propter nomen meū.
Item: ueniet hora, ut omnis qui interficit
uos, arbitret̄ obsequiū se præstare Deo.
Sed audi mirabilem uicissitudinē. Pau-
lus sustinetis, inquit, persecutiōes in ex-
emplum iusti iudicij Dei, ut dignifiatis
regno Dei, pro quo & patimini.

Cum igitur uideamus Ecclesiam iur-
storum in hac uita afflictissimam esse, &
summis calamitatibus repleri: Item hu-
mano more sapientes, magnos & po-
tentest sentire contra illam, ac ueluti con-
spirare in eius interitum et abolitionem:
Sed & impios istos, qui exitiū Ecclesiæ
quærunt, fortunari, & præsentium re-
rū fœlicitate frui, cogitemus restare aliā
uitam & aliud iudicium, quo tunc iusti-

COMMENT. IN II. EPIST.

ex omnibus malis eripientur & æternæ gloria foeciles erunt: Impij autem æternis cruciatibus afflagentur. Huc faciunt illa Christi, Ioan. xvi. Tristitia uestra uertetur in gaudium, & gaudiū uestrum nemo tolleret a uobis. Nam ita loquit̄ illis, qui pro gloria regni Christi afflictione patiūtur. Oportet igitur ut & impij tunc suorum sceler̄ dent sempiternas pœnas.

Arripiamus igitur & nos exempli laudatissima, pulcherrima & beatissima uirtute imitationē. Beatus enim uir, qui suffert temptationem. Quoniam cum probatus fuerit accipiet coronam uita, quā promisit Dominus diligentibus se. Cogitemus etiam breues esse & momentaneas huius temporis afflictiones, in comparatione cœlestium & æternorum gaudiorum, cum quibus permutabuntur: et ob id magis contemnendas esse. Quemadmodum & Paulus docet, ut Ro. viij. Existimo enim, quod non sunt condignæ passiones huius temporis ad futurā gloriam, quæ reuelabitur in nos. Et iij. Cor. iiiij. Nam momentanea & leuis tribulatio nostra supra modum excellenter æternum gloriæ pondus operatur in nobis, dum non spectamus ea quæ uidetur, sed quæ non uidentur. Quæ enim uidetur

dentur temporaria sunt, quæ autem non
uidentur æterna sunt.

Proinde quod Paulus inquit, sustine-
tis tribulationes, ostensionem seu docu-
mentum iusti iudicij Dei, id perinde est
ac si dicat: uos ipsi ostensio estis, seu do-
cumentum & exemplum, futuri illius &
iusti iudicij Dei, quo uidelicet ille reddi-
turus est unicuique iuxta facta sua. Bo-
nis quidem & iustis hominibus præmia
æterna uitæ, sceleratis uero, improbis &
noxijs, debita sibi æterna suæ ipsorum
condemnationis supplicia. Quod Latini-
nus interpres uertit in exemplum, idque
non inepte, Græce est, ἔσταγμα, id est, o-
stensio, specimen & documentum. Iusti
enim, qui afflictiones pro regno Dei pa-
tiuntur, sunt exemplo, ostensioni & do-
cumento iusti iudicij Dei, quo ille prom-
pta & necessaria ultiōne uidelicet, puni-
et malos æternis & ineuitabilibus pœ-
nis, illos maxime qui innocentes affixe-
runt, & quidem odio nominis Christi.
Et rursus, quo bonos eripiet ex quibus
libet malis, & eterna gloria eos saluabit.
Non potest enim non reminisci seruorū
suorum, & non glorificare eos, quorum
sanguinem impñ ut aquam effuderunt.
Sunt autem digni regno Dei, qui dum
d in

COMMENT. IN II. EPIST.

hic uixerunt, in gloria nominis eius, Dei inquam, fuerunt, seu operando, seu afflictiones perferendo . Eos enim reputat dignos Deus, & si neque uirtutum nostrarum actionibus, neq; afflictionibus quas sustinemus, quicquam eius gloriæ promereamur. Sed hæc est bonitas, iustitia & æquitas iudicis Dei, scilicet, ut electorum suorum faciat uindictam . Sed qd est, quod Paulus dicit, iustos pati pro regno Dei. Respondeo, Afflictionum suarum habent præcipuam caussam iusti fidem suam, & confessionem nominis Christi, & gloriæ regni eius. Intuentur enim diuinam promissionem, & ne se faciant

Rom. 10.

indignos præmio æternæ uitæ confitent Christi gloriam. Corde enim credit ad iusticiam, ore autem confessio fit ad

Rom. 8.

salutem. Quanquam enim nullæ afflictiones per se dignos faciant nos æternæ uitæ præmio & gloria, tamen abnegare Christum, metu præsentium periculum, peccatum est castigatione æternæ mortis dignum.

Luc. 12. Or. 1.

Nam iustum est apud Deum retrahere tribulationem his, qui uos tribulant, & uobis qui tribulamini requiem nobiscum.

His

His exponit Apostolus ipse, qd, cur iustū sit, in iudicio illo Dei, de quo proxime scripsit. Quibus mox attexit aliq narrationem, qua differit de tempore & forma illius iudicij. Sunt igitur omnium infelicitissimi & miserrimi homines isti imp̄j, qui iustos persequuntur & affligunt, odio doctrinę Euangelię & nominis Christi, & rursus uere & excellenter beati, qui afflictiones patiuntur pro regno Dei & gloria Christi. Nam si iustum est apud Deum impios & iniustos homines dignis supplicijs retaliare, & p̄ijs ac iustis hominibus requiem ac consolationem æternæ uitæ conferre, magna profecto infelicitas erit omnium impiorū & summa beatitudo pior̄. Ad hoc em & iudicium extremi diei deligit a Deo, ut tūc in uniuersum oībus qd debet reddat, seu præmia iustis, seu poenæ et eterni cruciatus infidelibus & iniustis.

Est igitur iustum apud Deum, oīm iustissimū iudicem, atq; adeo q solus iuste & recte iudicat terras, & unicuiq reddit iuxta sua facta, iustū est, inquam, ut puniat nouissimo malos & noxiōs hoīes, eos maxime, qui Christiani noīs hostes fuerūt, & cursum Euāgeliū remorati sunt: bonis autem cōferat requiem & præmia

d iiij

COMMENT. IN II. EPIST.

cœlestis uitæ, idq; magis , si afflictiones pro Christi nomine passi sunt. Quæ em̄ hæc iusticia aut equitas iudiciorum Dei esset, perpetuo cōniuere, dissimulare , a deoq; tacere ad illa omnia quæ homines impñ scelerate & audent & crudeliter de signant, & facta ipsorum sanguinolenta nunquam castigare: adhæc, iustorū perpetuo obliuisci , & derelinquere eos in extremis ipsorum calamitatibus , nunq; opitulari illis, nullum auxilium & nulla præmia conferre? Hæc uidelicet non decent sumimum omnium & iustissimum iudicem. Certum sit ergo omnibus pñs, restare adhuc illud iudicium Dei, quo tandem homines iniusti suæ iniquitatis & violentæ tyrannidis pœnas dabunt, iustis autem promissa æternæ uite præmia tribuentur, quæ accipiunt requie sempiterna cum omnibus sanctis in cœlis.

Cum regelabitur Dominus Iesus de cœlo , cum Angelis uirtutis suæ, in flamma ignis, sumpturus supplicium de his qui non nouerunt Deum, & qui non obediunt Euangeliō Domini nostri Iesu Christi.

Hæc continent descriptionem de tempore

pore & forma diuini iudicij, adeoq; per
sonæ iudicis, uidelicet ipsius Domini Ie-
su Christi. Hunc enim constituit Deus iur-
dicem uiuorum & mortuorum, ut Pe-
trus inquit Act. x. Quo etiam faciunt illa
Pauli, ij. Timoth., iiij. Testificor coram
Deo & Domino Iesu Christo, qui iudi-
caturus est uiuos & mortuos, in adpari-
tione sua & in regno suo. Itē illa ij. Cor.
v. Omnes nos manifestari oportet corā
tribunali Christi, ut referat unusquisque
propria corporis, pro ut gessit, siue bo-
num siue malum.

Porro hoc iudicium non fiet ante cō- *Tempus diu-
ni iudicij.*
summationē omnium seculorū. Nam ip-
se Dñs Iesus prius nō reuelabit de cœlo,
ut ex alijs scripturæ testimonij sliquet,
quorū aliquæ infra recitabo. Claudet igit
suo iudicio Christus tempora istius præ-
sentis seculi, idq; cōuenit maxime. Nam
quia unus omnes iudicaturus est, opor-
tet ut nouissimum iudicium exerceat, fu-
turum in consummatione seculorum, at
que ut uniuersis reddat iuxta sua facta.
Quod nō esset facturus, nisi nouissimus
iudex uenturus esset in huius mūdi fine.

Sed momenta temporum, huius adpa-
ritionis, iudicij & futuræ gloriæ Christi
inuestiganda nō esse, & præsciri nō pos-

COMMENT. IN II. EPIST.

Se, ipse Dominus Iesus testatur Act. i.
inquiens: non est uestrum nossetempo-
ra, uel momenta, quę Pater posuit in sua
potestate. Et Paulus, i. Thessa. v. scribit:
Dies Domini, sicut fur in nocte, ita uenit
et. Nec dissimiliter Petrus, iiij. Pet. iiij. Ad-
ueniet autem dies Domini, sicut fur in
nocte. Sed & uerba Christi, de tempo-
re huius futuri iudicij incerto, quo ad
momenta & articulos illius, hęc recitan-
tur Marci xiiij. De die autem illa, uel ho-
ra, nemo scit, neque Angelī in cōelo,
neque Filius, nisi Pater. Videte, uigilate
& orate. Nescitis enim quando tempus
sit. Etsi ridiculi quidam nuper diem il-
lum, & ipsam adeo horam diei, conati
sunt præmonstrare.

Forma ius
dicij.

Ceterum de forma iudicij Christi, hęc
sunt apud Apostolum Paulum: Ipse Do-
minus Iesus, inquit, reuelabitur de cōelo
cum Angelis uirtutis suę, in flamma ig-
nis. Ide est, exercitu beatorum Angelorū
comitatus, quorum tunc utetur ministe-
rio, sua uirtute ualidus ac potens in eis.
Vt uidelicet de malis supplicium sumat,
ultrice flamma & igne inextinguibili.
Ad iudicandum igitur non utetur Chri-
stus aliqua humana potestate, sed tamen
Angelorum ministerio, quos habebit
exequutores

exequutores sui iudicij, diuinę uoluntatis & potentiae. Quemadmodum & Matthaei xiij. docemur: Sic erit in consummatione seculi. Mittet enim Filius hominis Angelos suos, & colligent de Regno eius omnia scandala, et eos qui faciunt iniquitatem, & mittent eos in caminum ignis. Ibi erit fletus & stridor dentium. Tunc iusti fulgebunt sicut sol in Regno Patris sui.

Itaque Christus suo iudicio aderit esse tax & potens, ministerio quidem Angelorum, sed suae diuinitatis uirtute ultior & uindex malorum. Ideo tunc eius potentia non poterit resisti ab ulla creatura, quin oes necessario ferat eius iudicium, & mali puniantur. Quemadmodum & illo Christi testimonio docemur: cum uenerit Filius hois in gloria sua, & oes sancti Angeli cum eo, tunc sedebit super sedem maiestatis sue, &c. recitata Matt. xxv. Qualis autem futurus sit ignis ille, q̄ homines mali in ultionem suorum scelerum affligendi sunt, nostrum non est explicare. Sæpe autem testatur scriptura, impios & malos homines quodam igne sempiterno affligendos: ut in illo Esaię lxvi. Vermis eorum non morietur & ignis non extinguetur. Cuius testimonij & Christus meminit

COMMENT. IN IL EPIST.

Marc. ix. agens de pœnis impiorum.

Itaq; formæ iudicij Christi, maxime
tristes & horrēdæ omnibus impijs erūt.
Neq; tunc euadendi locus, aut spaciū
pœnitentiaæ ulli concedetur. Sed rapien-
tur ad promeritas pœnas impij: tū, quia
Deum non nouerunt. Id est, nosse contē-
pserunt, nempe, prædicatum per Euā-
gelium toto terrarum orbe. Tum etiam,
quod non obedīunt Euāgeliō Domi-
ni nostri Iesu Christi, neq; pœnitentia, ne
que fide in Christum prædicti. Hæc est
enim posita ab Apostolo quædam de-
scriptio obstinaciæ impœnitentium &
incredulorum, et in quibus contemptus
Dei regnat. Nam Deus requirit per Euā-
gelium de Christo, promissionum sua-
rum de donatione remissiōis peccati &
uitæ æternæ fidem: tum etiam pœniten-
tiam seu emendationem huius nostre ui-
tæ. Sed huic utriq; prædicationi resistūt
homines ignorantes Dei, & inobedien-
tes Euāgeliō Christi, & oppressam at-
que abolitam utramq; quærunt, pro me-
ritis retaliandi.

Qui pœnas dabunt interitu æter-
no à facie Domini, à gloria uirtutis
eius, cum uenerit glorificari in san-
ctis

Etis suis & admirabilis fieri in omnibus qui crediderunt.

Quod Paulus hoc scripto, idipsum Christus & in cōcionibus suis affirmat, nempe, cruciatus impiorum fore perpetuos. Quemadmodum fœlicitas iustorum futura est æterna. Iuxta illud Christi, Matthæi xxv. Ibunt mali in supplicium æternum, justi autem in uitam æternam. Proinde Theophylactus huius Paulini scripti autoritate suffultus, recte obiurgat Origenistas, dicens: ubi nam gētium Originistæ nunc sunt, qui istiusmodi crucifixibus & finem fore fabulantur & fingunt, quos Paulus perpetuos asserit? Cur ergo ad tempus futuros cruciatus huiusmodi delyrando iactatis? Hæc ille.

A facie Domini, id est, tunc cum Dominus ipse aderit præfens iudex, cuius uel solus aspectus iniustos, impios & rebelles ineffabiliibus & ineuitabilib. modis discruciet & macerabit. In eandem sententiam redit, quod mox subiicitur: a gloria uirtutis eius. Tunc enim adparabit & conspicietur ipse Dominus Iesus gloriosus & potens, non humilis, aut contemptibilis facie, ut in priore adparitione; ideo ut contemni tunc non poterit.

COMMENT. IN IL. EPIST.

Ita nullo negocio supplicium sumet, de malis hominibus & glorificabit iustos.

Illo igitur gloriae & uirtutis suæ tempore etiam admirationi erit corā malis, in omnibus qui crediderunt. Ut qui participes tunc erunt eius gloriæ & uirtutis, cum quibus ipse & despectus & derisus in hoc seculo fuit. Ideo et stupor illo iudicij tempore adprehendet istos impios, nimirum, ex insperata hac rerum uicissitudine, qua afflictiones piorum temporales commutabunt æternis consolationibus. Impiorum autem uana gaudia et temporales ille fortunæ transibunt in æternas poenas. Quo & respiciens Christus, Luc. vi. inquit: Ve uobis qui ridetis nūc, quia lugebitis & flebitis: Item beatū qui nunc fletis, quia ridebitis.

Nec male quadrant ad explicationem huius loci, quæ in lib. Sapient. cap. v. his uerbis legunt: Stabunt iusti in magna constantia, aduersus eos qui se angustiauerunt, & qui abstulerunt labores eorum. Videntes turbabunt timore horribili: & mirabuntur in subita acceleratione insperatæ salutis. Gementes præ angustia spiritus dicent intra se, pœnitentiam agentes & præ angustia spiritus gement: hi sunt quos habuimus aliquando in derisum, & in

in similitudinē improperij. Nos insensa-
ti uitam illorum estimabamus insaniam,
& finem illorum sine honore. Ecce quo-
modo computati sunt inter filios Dei, et
intersanctos fors illorū est. Ergo errau-
mus a via ueritatis, & lumen iusticæ nō
luxit nobis, & sol intelligentiæ nō est or-
cus nobis. Lassati sumus in via iniquita-
tis & perditionis, & ambulauimus vias
difficiles: uiam autem Domini ignorau-
mus. Quid nobis profuit superbia, aut
diuitiarum iactātia quid contulit nobis?
Transferunt omnia illa tāquam umbra,
&c. quæ ex citato loco requirantur.

Nam testimonio nostro erga uos
credidistis in die illo.

Ideo quia uos credidistis nostrę predi-
cationi de Christo salui eritis a tantis ma-
lis, quę impijs imminēt & adprehendent
eos: simulq; admirationi illis eritis, a qui-
bus, ut dictū est, aliquā p̄ insanis et furio-
sis derisi estis. Nam hæc in consolationē
fidelibus sunt dicta, qui aut fuerunt au-
sunt in afflictionibus propter Christum.

Particula, in die illo, uidetur huc mi-
nus quadrare. Nisi in hunc modū ordi-
nes eā atq; exponas: Veniet glorificari
Christus & admirabilis fieri, in die illo:

COMMENT. IN II. EPIST.

Scilicet, ut cum superioribus connectantur, & reliqua in parenthesim includantur. Nam testimonio nostro apud uos credidistis. Quāquam si malis referre ad prædicationem Pauli, habitam de die illo, quo aderit Christus omnes iudicatus, q.d. Illud ipsum uos efficit beatos, quod concionati mihi apud uos, de die illo, quo iudicabit uiuos & mortuos, ipse Dominus Iesus Christus, & testimoniūm suæ glorię illi perhibenti, credidistis, nihil repugno. Nam Lectori in his minutis liberum permittimus iudicium & delectum.

Quare etiam oramus semper pro uobis, ut dignetur uos sua uocatio ne Deus noster: & perficiat omne beneplacitum uoluntatis suæ, & opus fidei potenter.

Quasi dicat: uocati estis meo ministerio per Euangelium ad salutem: sed indigetis ampliore confirmatione. Nempe, quia uos Deus dignos habeat sua uocatione, & faciat proficere & perseuerare in illa. Hanc cōfirmationem, quia est cōfite donum, rogo sedulus pro uobis a Deo. Rogo enim, ut quicquid illi placuerit in

rit in uobis, ipse perficiat: donec consummatos uos reddat, in quo uis bono opere. Maximeq; ut opus fidei, id est, ipsam fidem, augeat in uobis, tum etiam conservet, & contra difficultates persecutio num sua potentia muniat.

Quæ hic dicenda essent de inuocatione, & efficacia potentie uirtutis Dei in nobis, qua quæ placita sunt Deo facimus, aut de exempli imitatione, ea ex supra annotatis peci possunt.

Vt glorificetur nomen Domini nostri Iesu Christi per uos, & uos per illum, secundum gratiam Dei nostri, & Domini Iesu Christi.

Admonuerat obiter, quæ in precationibus nostris conueniat nos flagitare a Deo: officium suum denuo commendans Thessalonicensibus, neque ociose nec sine fructu. Sicut enim testatur, esse necessarias eas precatio[n]es, quales ipse habuerat pro Thessaloniken, ad Deum: ita hoc Doctorum Ecclesiæ esse significat, ut pro alijs, quos præsertim docendos & formandos in uera pietate suscep[er]unt, precatio[n]es ad Deum fundant.

Huic admonitioni continuo addit ex

COMMENT. IN II. EPIST.

positionē de finali causa, cur p̄ incremēto piētatis & perseuerātia in alijs ipse oret, & suo exēplo orandū doceat, nēpe, studio honoris & gloriæ Christi, utque uicissim ipsi per Christū glorificemur: idq̄ beneficio gratiæ Dei nostri, & Seruatoris Iesu Christi. Ita enim prēdicat alios fines bonorum operum, quam Pharisaios istos, quibus Papistæ omnia referunt ad satisfactiones operum suorum pro peccato & illius pœnis, adeoque ad meritum iustificationis & æternæ uitæ. Nam studio gloriæ Christi præstare omnia obedientiæ nostræ facta debemus: si modo per Christum uicissim glorificari uelimus. Ideo & i. Reg. ij. Quicunque honorificauerit me, glorificabo eum, qui autem contemnunt me, confundentur.

Nec tacendum est, quod studium glorificandi Dei in Christo Iesu, totum est a gratia in nobis Dei per Christum, ne qd inaniter & superbe uiribus nostris arrogemus. Id ex Pauli doctrina a quibuslibet facile intelligi potest.

Cap. II.

CAP. II

Rogamus autē uos fratres per aduentum Domini nostri Iesu Christi, & nostrae congregatio-
nis in ipsum, ut non cito moueamini à sensu uestro, neque turbemini, ne-
que per sp̄iritum, neque per sermo-
nem, neque per Ep̄istolam, tāquam
per nos missam, quasi instet dies
Domini.



X ho & Pauli scripto per se liquet, fuisse in Thessalonica, se A-
postolo adhuc su-
perstite, qui in Eccle-
sia Thessalonicensi-
um sparserint plane-
que affirmarint, in-
stare iam rerum omnium finem, & in fo-
ribus esse, diem aduentus iudicij & glo-
riæ Domini nostri Iesu Christi, undecun-
que tandem occasionem & caussam isti
sic arbitrandi arripuerint. Mihi non di-
splicer, quod pleriq; existimant, hinc or-
e η

COMMENT. IN II. EPIST.

eam opinionē, quod Paulus ipse in priorē ad Thessal. hæc scripserat: mortui resurgent primi. Deinde nos qui uiuimus, qui relicti sumus, simul rapiemur cum illis in nubibus obuiam Christo in aera, et sic semper cum Domino erimus. Item alia, de die aduentus Christi, quæ sunt i. Thess. v. Nam ea Apostoli scripta facile deprauari potuerunt, & a suo sensu in alienum detorqueri. Ut sumus alioqui priores ad corrumpendum, quam in telligendum, quæ simpliciter, uere & recte dicuntur.

Videntur enim, quæ Paulus scribit, ita sonare, quasi affirmet: Ecclesiam tunc uiuentē & superstitem in carne, cum hæc scripsit, habuisse quosdam, qui usq; ad diem gloriæ Christi uicturi in carne essent, cum ipse communi loquendi consuetudine transferat in Ecclesiam tunc præsentem, quod complendum erat in futura. Loquitur enim de toto corpore Ecclesiæ, quod est omnium Electorum Dei, a condito orbe, usq; ad illius finem, & significat in eo fuisse & esse multos qui morituri essent priusquam Dominus ueniat: & aliquos tandem futuros, qui in hac præsente uita superstites permansuri essent usq; ad diem posterioris aduentus Christi.

Hunc

Hūc igitur opinionis errorem, quem conceperāt quidam in Thessalonica, de die aduentus Christi, quasi is non multo post affuturus esset, deprecatur: & attēxit graues rationes, cur suo illo tempore nondum potuerit instare. Quia opor teret antea uenire defectionem, & grāssi ri in Ecclesia Antichristum, istum famo sum, qui doctrinam Euangelij, & omnia Christianę libertatis, esset oppressurus. Tum etiam, qui regnaturus esset, more Dei in Ecclesia, quæ ex sequenti scripto Apostoli Pauli discemus. Itaque hoc no stro tempore non sunt leuia argumenta, instātis diei Christi. Quia iam dudū post tempora illa Apostolorū secuta est defec tio a fide, et Antichristus, ut cernimus, omnia Euangelij de Christo labefactauit atq; corruptit, & quidem in omnibus Ec clesijs sub cœlo. Omnibus enim uenire debuit ac uenir: uel extraneus, uel intesti nus. Et ille intestinus hoc magis noxius est, quo minus a multis cognoscitur An tichristus esse, & proprio Ecclesiæ pasto re habetur: uidelicet Papa, qui iam ali quot seculis nihil quam pernicioſum im postorem, & insignem Pseudoprophe tam, & insidiosissimū Antichristū egit.

Ante hæc tempora, quæ sunt Mahome

COMMENT. IN II. EPIST.

tici furoris, & reectorum insidiarum Pa-
pæ, nulla certa aut firma argumenta, præ-
sentia aduentus Christi , colligi potue-
runt, qualia nunc colligimus, & speramus
diem iudicij Christi non procul abesse.
Paulus itaq; dicens, rogamus uos, ut nō
cito moueamini a sensu uestro, admonet
Thessalonicenses de fidei doctrina, quam
antea a se acceperant: & adiiciens, ne que
turbemini, auocat eos ab inutili curiosi-
tate, ac ueritatne credant suæ fidei insidia-
toribus. Quibus, ut omnem uiam ado-
riendi Thessalonicenses præcludat, ad-
dit, neque per spiritum. Id est, per iacta-
tam reuelationem, tanquam a spiritu san-
cto profectam. Item: Necq; per sermonē,
ut facta & inania multa, impij Doctores,
suorum somniorum alijs narrabant. Sed
& addit: necq; per Epistolā, tanquam per
nos missām. In quo dicto uidere est, istos
impostores, quos notat Paulus, etiā sup-
positicjns scriptis usos fuisse, quæ sparse-
rint quidem nomine summorum Aposto-
lorum, ut suas fanaticas opiniones in a-
lijs plantarent. Quæ res Apostolū Pau-
lum coegerit, aliquot sua scripta præcipuis
quibusdā notis insignire, ne scilicet ficti-
tia pro Paulinis reciperentur : ut liquef-
ex huius Epistolæ tertio capite, & ex ea
quæ

quæ est ad Galatas scripta, Cap. sexto.

Ne quis uos seducat ullo modo. Quoniam, nisi uenerit defectio primum, & reuelatus fuerit homo peccati, filius perditionis. Qui aduersatur & extollitur super omne quod dicitur Deus, aut quod colitur. Ita, ut in templo Dei se deat, ostentans se, tanquam sit Deus.

Iterum inculcat hoc loco Paulus admonitionem antea a se factā, & graui obsecratione & obtestatione roboratam, ut firmius inculceret eam, & insidiatores arceat, ne simplicitati credentium sint noxijs. Multum enim periculi habuit falsis pro ueris assentiri, ac derogabat autoritati doctrinæ Apostolorum.

Cæterum in eo, qui mox sequitur, contextu, aliquid inabsolutum legitur, hoc modo complendum. Quoniam non ad ueniet Dñs, nisi uenerit defectio primū, & reuelatus fuerit homo peccati, & cetera. Ita sunt enim duo membra in illa ratione: Dominum prius non fuisse uenturum, quam facta esset defectio, & graviori uiolentius Antichristus, alias mæ

COMMENT. IN II. EPIST.

nifesta tyrannide, alias maioribus insidijs, cœpisset. Quē Paulus uocat hominem peccati & filium perditionis, & audaciam scelerum eius perstringens inquit: qui est aduersarius, & extollitur &c. Futurum igit̄ erat, ut prius quam Christus ueniret, & defectionis crimen in Ecclesia et uastator Antichristus grassaturi essent

Apostasia.

Porro autem defectio, quæ Græce dicitur *ἀποστολή* significat desertionem & fugam, qualis est militum non permanentium in Imperatoris sui fide: aut subditorum debitam obedientiam, erga ciuiles Magistratus & ordinatam potestatem, recusantium. Ita uero cum admittitur defectionis crimen in Ecclesia, duplice perfidia peccatur: altera & priore, qua redditur a fide promissionum Euangeliū. Nam illis astricti sumus, ne deseramus eas, et Deum uicissim per eas propitium & fauentem habemus, & tanquam astrictum nobis. Altera uero, seu posteriore, qua debiti & præcepti a Deo cultus derelinquuntur, aut quomodo cuncte uiolantur. Fide enim in Christum efficimur & sumus Christiani ac populus Dei, a qua cum deficimus, facti illius desertores, sumus Apostatae, & quiduis potius quam populus Dei. Similiter, ab obedientia manda-

mandatorum Dei recedentes, recte dici-
mur congregatio & cœtus impiorum,
et nomē Christianorū, seu populi Dei, de-
fendere in nobis haudquaq̄ possumus.

Augetur autem defectionis utriusque
malum, cum accedit professio alienorū
cultuū, de quibus Deus nihil præcepit,
cum præsertim illi honorī esse finguntur,
aut meritorij diuinæ gratiæ & donorum
remissionis peccati & æternæ uitæ dicū-
tur. Aut deniq̄, necessarij esse affirmantur,
& tales, qui sine peccato omitti non
possint. Nam his opinionibus, & fidei
in Christum repugnant, & cultibus qui
sunt a Deo præcepti. Proinde sic est Ise-
lerata & execrāda defectio, in ea uniuersa
doctrina quæ est aut Mahometricorū,
aut Papistarum, de iustificatione, operū
nostrorum meritis & cultibus Deo præ-
standis. Nam Mahometici fere omnia,
quæ sunt fidei in Christum, negant, & de-
nouis cultibus, q̄ nō sunt traditi a Deo,
præcipiunt. Papistæ autem doctrinam iu-
stificationis & fidei in iustificatore Chri-
stum penitus abolent. Nam beneficia iu-
stificantis gratiæ negant gratuita esse, si-
ue dona remissionis peccati & æternæ ui-
tæ affirmant non contingere hominibus
perpetuo persolam in Christum fidem.

COMMENT. IN II. EPIST.

Fingunt enim, quod meritis operum nostrorum iustificemur coram Deo: presertim lapsi. Et alienos multos cultus instituunt, a Deo prohibitos, quales sunt illi de Missa, quæ dicitur sacrificium esse, de invocatione mortuorum, de satisfactoriis pro peccato & illius poenitentia, de quibus agunt in doctrina de poenitentia.

Sunt qui defectionem interpretantur, ciuilem discessionem a Roma. Imperio, cui Apostolorum temporibus fere totus mundus erat subditus. Sed quæ est huius defectionis ratio aut congruentia ad Regnum Christi? Paulus autem procul dubio loquitur de quadam defectio[n]e, quam fieri oportuit in Regno Christi. Itaque defectionem ego interpretor perfidiam, qua receditur a Christiana fide, & a cultibus quos Deus præcepit. Aut cum alieni & Pharisaiici cultus instituuntur. Nam talis defectio admitti debuit, per impostorū artes, qui impia prædicant & docēt, priusq[ue] ueniret Christus, ingratiss quidem & incredulis in poenam, p[ro]pterea autem in fidei suæ exercitium & probationem. Qua simul uia facta est Antichristo inuadendi Ecclesiā, & libertatē eius opprimendi, & creuit subinde, magisq[ue] roborata est, illo hoste ecclesiar[um] Christi & aduersario Dei regnante,

regnāte. Venit em̄ ut operationibus erroris seduceret mūdum, ac perderet illum.

Itaq; intelligamus loqui Apostolū, de quadā spirituali defectione, & grauioribus malis, q; sunt in ciuili defectione. Nā hoc spūalis defectionis crimen & a Christo significatur, Luc. xviiij. cum inquit: Filius hominis cū uenerit, putas quod inueniat fidem in terris? Cuius sunt authores & Magistri in Ecclesia impiarum doctrinarum professores. De qualibus Petrus scribens, ij. Pet. ij. inquit: Inter uos erunt Magistri mendaces, qui introducēt sectas perditionis & negabunt Dominum qui illos mercatus fuerat. Et Paulus eosdē notans, Act. xx. Ego scio, q; post discessiōem meam Lupi rapaces in uos irruent, nō parcētes gregi. Et ex uobis ipsis surgent uiri loquentes peruersa, ut abducant discipulos post se. Nam hæc ab utroq; Apostolo maxime dici intelligamus, de Mahometicor; & Papista rū sectis, sine uerbo Dei, quin etiam contra illius uerbum, in Ecclesia arte & magisterio Diaboli excitatis. Paulus prēterea nō obscure docet, hāc defectionē in illis esse, qui iusticiam ex lege quærunt, cum alias, tum ad Gal. ij. Nō abiūcio gratiam Dei. Si enim per legem iusticia, ergo

COMMENT. IN II. EPIST.

gratis Christus mortuus est . Siquidem tales fidem in Christum negare conuincuntur. Atq; idem Apostolos authores facit defectiōis eos, qui nouas leges in Ecclesia condunt, nempe, i. Timot. iij. Spiritus autem certo dicit, quod in nouissimis diebus discedent quidam a fide, attēdētes spiritibus impostoribus & doctrinās dæmoniorum, in hypocrisi loquentium mendacium, & cauterio notatam habentium suam conscientiam, prohibentium matrimonia contrahere, abstinere a cibis quos Deus creauit ad percipiendum cum gratiarum actione fidelibus, & his qui cognouerunt ueritatem.

Porro autem, cauſsa huius perfidiæ & defectiōis, reiçitur fere testimonio & auctoritate sacrarū literarum in auaros & ambitiosos, ut qui & quæſtus & honoris cupiditate alios seducunt & perdunt, adeoq; uentris curā agunt, & libidini ac intemperantiæ suæ seruiunt. Vt ij. Pet. ij. In auaricia fictis uerbis de uobis neocia buntur. Phil. iij. Multi enim ambulāt, quos ſæpe dicebam uobis, nunc autem flens dico, inimici crucis Christi, quorum Deus uenter est, & gloria ipsorum in confusione, qui terrena sapiunt. Et Ro. xvi. Rogo autem uos fratres, ut obſeruetis eos,

eos, qui dissensiones & offendicula præter doctrinam quam uos didicistis gig-
nunt, & declinate ab illis. Qui enim hu-
iusmodi sunt, Domino Iesu Christo non
seruiunt, sed suo uentri, & per blandilo-
quentiam & assentationem decipiunt cor
da simplicium. Ac rursus, n. Pet. n. Volu-
ptatem existimantes quotidianum lu-
xum, labes sunt & maculæ. Delitijs afflu-
entes, in eleemosynis uestris luxuriates,
oculos habentes plenos adulterij, non
cessantes peccare, pellicetes animas in-
firmas, cor exercitatum in auaricia ha-
bentes. Hæc enim Petrus de impijs do-
ctoribus scribit, & impiorū cultuū pro-
fessoribus. Nec in alios melius quadrat,
quam in Papistas, Canonicos & sectas
Monachorum.

Est autem triste & horrendum Diabo-
li imperium, quo tantum in homine po-
test, quem excæcatum & induratum au-
ariciae & honoris cupiditate tenet capti-
uum, ut & Dei obliuiscatur, nihil illū me-
tuens, & rationem salutis suæ aut proxi-
mi nullam penitus habeat; sed audax &
temerator omnia diuina contemnat, &
deficiens ipse a fide nihil metuat etiam a-
lios abstrahere secum, quoscumque potest,
in eandem defectionem, hoc est, in abiur-

COMMENT. IN II. EPIST.

rationem gloriæ Christi, atq; in contem
ptum præceptorum a Deo cultuum.

Quod facere Rom . Pontifici addictos,
quis est qui non uideat? Nihil istis curæ
est Religiōis studium, nihil solliciti sunt
de fide nostra , quid uere credamus aut
non credamus de Deo Patre nostro &
Domino Iesu Christo, aut qualibus cul
tibus Deum ueneremur , modo impios
istos & Pharisaicos , sibi commodos &
a se repertos, nō negligamus , & suas o
pes ac sua regna quiete & cum pace ob
tineant, neq; amittant tyrannides istas &
dominationem suam in Ecclesia, quam
per ueram religionem tueri nō possunt.

NOMINA ET DESCRIPTIONES

Antichristi, & facinorosarum operationum eius.

PAULUS exactam Antichristi descri
ptionem tradit, & furentem, insigni
audacię scelere , mirifice depingit,
cum uocat hominem peccati & fili
um perditionis, continuo addens de eo
dem: Qui agitatuersarium , & extollis
tur supra omne quod dicitur Deus , aut
quod colit, ita ut in templo Dei sedeat,
ostentās se tanq; sit Deus . Estigitur res
flagiosissima simul & nocentissima,
quem usitate uocamus Antichristum.

Nam

Nam hominem peccati & filium perditionis uocat Paulus, non ideo solum, quod ipse per se est malus, impius, peccator, prophanus & iniquus homo, eoque & sempiternè perditionis alumus, uerum etiā, uel potius ea præcipua cauſa, quia agit impostorem, & innumeris alijs fit efficax fidei & morum scandalum, atque adeo author & cauſa perditionis illorum, quos uidelicet a via ueritatis et iusticię seducit. Nam ita omnia habet cōtraria cū Christo. Priuatis & personalibus uicij sibi tantum noxius est, nisi quatenus sua malicia impulsus, etiam alijs fit damnosus. Ideo publicum quoddam malum prædicari & esse intelligas Antichristū, & uelutī grassantem pestem in Ecclesia Dei & Domini nostri Iesu Christi.

Exempli gratia; Scelerosus iste & perditus homo, tunc agit Antichristum, cū opprimit doctrinam Euangeliū de Christo, ne fides in illum habeatur, ut cum cōminiscitur nouam iustificationis doctrinam, quod tradita est in Euangilio, & prædicata per fidem in Christum. Siue cum alias uias monstrat euadendi peccatum & mortem, aut merēdi peccati remissiōnem atque consequēdi æternæ uitæ donū, quam in Euangilio de Christo et redem

Homo peccati, &c.

COMMENT. IN II. EPIST.

1 Cor. 14.

Act. 4.

Acto. 10.

ptione nostri per ipsum proponuntur. Ipse enim est uia, ueritas & æterna uita. Nec aliud nomē datum est sub cœlo hominibus, per quod oporteat nos saluos fieri. Cui præterea omnes Prophetæ perhibent hoc testimonium, quod remissione peccatorum accipiunt per nomen eius, omnes qui credunt in eum. Deinde & in eo agit aduersarium Christianæ pie tatis, cum decreta & ordinationes Dei mutat, siue cum præcipit de nouis cultibus, qui omnes sunt uerbo Dei prohibiti. Quales esse constat Papisticos illos, in priuata sacrificantium Missa, & in mortuorum inuocatione, atque in alijs innumeris traditionum humanarum, quibus præcipitur de satisfactione pro peccato & morte. Deniq; & hoc ex officio Antichristi agit, cum per sua uana præcepta fenestram aperit Dei mandata contemnendi, & fit caussa labendi alijs. Ut cum Papa Sacerdotum coniugia damnat, & suæ legis studio, quamquam inhumanæ & cum ratione belligerantis, ad licentiā scortandi conniuet, & illa turpitudine scortationum nihil quicq; offenditur.

Sed Papa ideo mauult Sacerdotes cœlibes, sine uera continentia, quam coniugatos, coiugali pudicitia & castitate uenerandos,

merandos, quia cœlibes magis uisi sunt
commodi esse sibi ad parandum maxi-
mas opes, atq; ad regnum sibi in Eccle-
sia constituendum perpetuoque confir-
mandum. Nec alia cauſsa est, cur tanto
pere resistat in hoc tempore, ne sua liber-
tas pro ducendis uxoribus Sacerdoti-
bus restituat, niſi quod metuit, ne opes
illæ tot oculos Sacerdotum, qualiter
cunq; congestæ, defluant, & numerus i-
pse sacrificiorum minuatur, & regnum
sibi pereat. Inter suos enim regnat, ceu in
immundo porcorum grege: atq; interea
quoq; uniuersam Ecclesiam suæ libidini
calcandam subiicit. Deinde, ut maxime
uideat, suas leges incommodas esse &
noxias bonis moribus, nihil fert tamen
mutari in illis: ne scilicet a pertinacia An-
tichristi, hominis perditi & perditoris,
recedat. Sed proprio ad alia.

SPECIES ET TITVLI PIE-
tatis in Antichristo.

QVanquam autem tantorum ma-
lorum sit author & cauſsa Anti-
christus in Ecclesia, tamen speci-
em pietatis, et sanctissimi titulos,
retinet ac defendit sibi. Et adoratur a Re-
gibus hoc nomine, quod si bonus & fi-

COMMENT. IN II. EPIST.

delis Ecclesiæ Pastor, pessimum impos-
torem in illa agens. Veluti Papa, & si nul-
lum faciat Christiani Pastoris officium,
sed & contraria officio boni Episcopi a-
gat, tamen prædicat sanctissimus, sum-
mus & uigilantissimus Ecclesiæ Pastor.
Quinetiam Ecclesiæ Dominus & caput,
cui ius sit & potestas articulos fidei pre-
scribendi, & nouas leges in illa conden-
di: Quibus omnibus oporteat obedire
non minus quam Dei legibus, & si fa-
naticis, impñs & perniciosis. Ac Reges
habet suæ libidiniferoos & ministros: &
inter illos ipsum adeo Cæsarem, suis le-
gibus obstrictum & iuramento obliga-
tum sibi. Quæ omnia illi, ut bono Pasto-
ri, cui uniuersa Ecclesia debeat subiectio-
nem & obedientiam in omnibus, mirifi-
ce patrocinantur.

Sed Euangelij rectam & puram doctri-
nam, tanq; impiam & hæreticam, proscri-
bit & damnat: tantum abest, ut illius do-
ctrina et cōsolationibus cuiq; medeatur,
aut illum hominem inuitet ad ueram &
Christianam pœnitentiam. Neq; licet ta-
men sine periculo nobis illi dicere: cur
ita facis? Sed & habet, a quibus defendi-
tur, quod omnia iure agat, & qui in eos
omnes animaduertunt, a quibus repre-
henditur.

henditur. Eos uocant hæreticæ prauitatis inquisitores, qui ne mutire quidem ferunt quenquam aduersus Papam. Sed istorum tyrannis & summa iniqüitas nota est omnibus. Reuertor ad Papæ sacrilegas leges & impia facta. Nam suarum ille prophanarum constitutionum nullum tenet modum, neque finem ullum facit. Fingit peccatum esse, ubi est nullū: & prædicatiusticiam, ubi est nulla. Et tamen illi fides habetur in omnibus: & nihil non iure, pie & fideliter agere existimatur.

Sacramenta nulla ministrat, & Laicis integrum Eucharistiae usum non permittit. Et corruptum concedens, fingit in Eucharistia Sacerdotum diuersum & singularē quendam cultum Deo exhiberi: qui totus est impius & execrandus coram Deo. Nam Missa sacrificuli sacerdotis, dicitur Iudaico commento ex opere operato ualere: esseque sacrificium pro peccatis uiuorū & mortuorū. Atq; eo nomine in Papisticis Ecclesijs uenalis prostat: & dicitur sacerorum omnium sacratissima actio esse: Cum Eucharistiæ usus traditus sit unus & simplex a Christo Iesu, ut omnibus eodem modo seruat, in fidei suæ, de remisso peccato

COMMENT. IN II. EPIST.

per Christum, confirmationem. Non ut perse aboleat peccata, aut sit noua satisfactio pro peccato, illa præsertim, quæ peragit a sacrificante. Quasi sit aut oporteat esse diuersam, aut sacrificatiorem a Laicorum Eucharistia. Sed licet in tantum abusum sit corruptum & depravatum hoc Sacramentum, tamen ille eius abusus retinuit speciem & titulos summi & utilissimi cultus, & hoc nomine usq; in hodiernum diem a Pontificibus & Regibus defenditur.

Retinent & baptismum Papistæ non sine specie pietatis & Religiosorum cultum, nec sine utilitate & fructu. Id quod libenter agnoscimus, & cum gratiarum actione erga Deum. Nam baptismus omnibus utilis fuit, ac profuit semper in ablutionem sui peccati & criminum. Et in Papatu rectus fuit, & integer relictus est eius usus: nisi quod perire dicebatur illius fructus in adultis, qui forte lapsi essent. Existimo autem præcipua Dei clementia integrum seruatum esse baptismum, ne uidelicet grassante Papistica tyrrannide semina Ecclesiæ penitus interirent. Itaque infantibus profuit potissimum, qui præsertim decedebat ex hac uita usquam adolesceret. Nam adulti, impiorum opinio-

Opinionibus imbuti, forteq; lapsi, existimabant nihil ulterius fructus ex suo baptismo sperandum esse sibi, sed nouam reconciliationem per sua facta & iusticias operum esse querendam. Hanc peruersitatem impiæ opinionis augebant Monachi, quoniam fingebant monasticam professionem suscipere, perinde utile esse homini, ac si denuo baptizaretur.

Vt ergo baptismum retineant integrū Papistæ, tamen uirtutem eius abnegant; nec baptismi gloriam solum euacuant, uerum etiam Euangeliū fidē extinguunt. Quæ licet semper retinenda est eadem, si ue lapsi fuerimus, siue stemus & permaneamus in cœpto Christianæ uitæ cursu ac tramite, nimirū illa, q; nulla unquam remissio peccati corā Deo fiat, nisi perfidem nominis Iesu Christi. Atq; ita & baptismus testatur, nos ita receptos esse in gratiam Dei, & Christi beneficio adoptatos in populum & filios Dei, ut etiam lapsi accipiamus remissionem peccati per Christum, quia adoptio illa nostri, quæ facta est per baptismum, non possit euacuari, modo in fide Christi permaneamus, & lapsi in fiducia remissionis peccati, quæ contingat Christi nomine, denuo resurgamus. Et idcirco nihil

COMMENT. IN II. EPIST.

opus est homini Christiano denuo aut
sæpius baptizari: quia baptismus semel
susceptus perpetuo admonet nos factæ
reconciliationis, & hortatur ad fidem in
Christum & agendam pœnitentiam, iu-
xta professionem susceptam cum bapti-
zaremur. Monachorum autem est pro-
digiosa & sacrilega impietas, cum men-
tita specie pietatis . Æquant suam fatu-
am & Pharisaicam professionem glorie
baptismi; & Deum colunt inutiliter & ua-
ne doctrina & mandatis hominum.

Sed habet plures alios cultus Papistæ,
quibus speciem pietatis simulant & men-
tiuntur: quos ego relinquo alijs estiman-
dos. Nempe, stata illa seu fixa ieunia, q-
bus ieunant sine uera abstinentia crapu-
læ & ebrietatis, multoq; minus sine tem-
perantia a cibo & potu . Et in Papistarū
ieiunijs, quid est nisi Pharisaicus ciborū
delectus: nulla temperantia, & castigatio
carnis nulla? Sic sunt eorum prolixæ pre-
cationes, sine uera inuocatione, compa-
ratæ adsolam ostentationē. In mortuo-
rum cultibus & inuocatione, pleni sunt
perfidia & defectionis crimine . Viuunt
cœlibcs, sed a nulla libidinum spurcicia
temperant sibi. Sanctorum hominum re-
liquias condunt preciosæ, auro, argento
&

& lapidibus preciosis: sed Ecclesiam cędibus replent, eorum qui aut docēt, aut profitentur, fidem in Christum. Visitant tempa, hinc & inde cursitando, quæ ingentia extruunt, & omni genere abominationum suarum replent. Habent usum quendam consecratæ aquæ, qua consperfa in populum sanctificant & purificant peccatores: & Diabolum insidiantem auertunt. Denique ita dimicat pro his omnibus speciosis & religiosis cultibus suis, ut citius ferant uiolari & contemni mandata Dei, quam negligi aut deseriri sua uana, inutilia & noxia præcepta, sed quibus nihil utilius esse, aut Ecclesiæ contingere posse, audacter affirmant, & haec tenus in precio & existimatione pietatis immerito fuerunt.

QVID SIT, ADVERSARIUM
agere, & extollit supra Deum.

PAULUS affirmat Antichristum agere præcipuum quēdam aduersarium: ac sentit de eo, qui uoluntate Dei & gloriæ regni Dñi nostri Iesu Christi repugnat. Idcirco enim mox dicit ab eo dem Apostolo, quod se extollat aduersus Deū, et aduersus quēuis uerę pietatis cultum. Et loquitur de qđā intestino hoste,

COMMENT. IN II. EPIST.

regnum & tyrannidem in Ecclesia exercente: atq; ea sumentesibi, quæ sunt & esse debent perpetuo solius Dei & Domini nostri Iesu Christi, ut testantur, quæ prioribus mox adiecta sunt, his uerbis: extollitur seu effertur, ita ut in templo Dei sedeat, ostentans se, tanq; sit Deus.

Ita uidelicet Papa agit aduersarium, & repugnat Deo, Christo & Ecclesiæ. Contemnit enim mandata Dei, & decreta Euangeliū mutat, & uiolatorem libertatis Christianæ agit, Condit enim nouas leges, & articulos fidei, quot uult, scribit; & quos uult, abolet. Ac uocat suas leges, firma & perpetua ac iniuiolabilia statuta, & quibus omnibus obedire, homini Christiano sit de necessitate salutis. Nichil confyderans Dei mandata, qbus prohibetur hoc facere, nec Euangeliū doctrinam, quæ non facit necessarium, nisi Dei mandatis obedire, & doctrinas mandatorum hominum affirmat inutiles & noxiās esse.

Contra gloriam Christi facit se uniuersale caput & Dominum totius Ecclesiæ, qui non debeat, neq; possit, iudicari ab homine, ac ne quidem a tota Ecclesia. Et si Ecclesia, quæ uere est Dei, non agnoscat caput aut Dominum, nisi Christum Iesum

Dcll. 4. &c.

Matth. 15.

Eph. 1.

Iesum . Quem Deus constituit iudicem
uiuorum & mortuorum , & solus ab ho
mine iudicari non potest . Sed & iudican
di potestas, eorum qui præsunt Ecclesiæ
in doctrina, est singulorum , iuxta illud
Pauli,i.Cor.xiij . Prophetæ autem duo
aut tres loquantur , & cæteri dijudicent;
quod si alij sedenti fuerit reuelatum, pri
or taceat . Et particularibus Ecclesijs pre
cipitur, ut caueant sibi a Pseudoprophe
tis, qui impia docent, qualia nemo auda
cius sparsit in Ecclesia ipso Rom. Ponti
fice . Et i.Thess.v.dicitur: omnia proba
te, quod bonum est tenete,

Sed & Papa ab adulatoribus suis dici
tur errare non posse : & eius unius esse,
omnes leges interpretari, & iustum illa
rum intelligētiā in scrinio pectoris sui
habere; scilicet, ne quid credamus, aut ul
lis scripturis assentiamur, non antea ad
probatis a Papa . Ethis mēdaciōrum im
posturis imperat hactenus in Ecclesia,
misere decepta & perdita, & uniuersa ei
us libertate oppressa . Ita ne credamus,
Papam non posse errare ? Qui nisi ex er
roribus, mendacijs & imposturis consu
tus esset, nihil esset, nedum ex bono Epi
scopo factus esset Papa, hoc est, insidia
tor & Lopus . Nam qualis Dominus

COMMENT. IN II. EPIST.

In Papatu sacrilegus impostor gestiat esse, iamiam dixi . Vult more Dei solus audiri in Ecclesia: omnesq; suis legibus & prophanis cōstitutionibus astringit. Deinde, arrogat sibi potestatem de articulis fidei decisive pronunciare, tāquam sit Dominus Euangelij, & non subiectus uoci Domini nostri Iesu Christi.

Quin etiā Papa seculares potestates, contra ordinationem Dei, subiicit suæ prophanæ potestati. Nam maioritatem supra Cæsarem, Reges & Principes sibi querit & defendit: illosq; cum libet exautorat, & subditos eorum a iuramenti religione absolvit. Et libidine dominandi cædibus & sanguine omnia replet: & nihil nō audet in sua Antichristiana dominatione. Nam etiam hoc nomine agit ad uersarium Dei , & Domini nostri Iesu Christi, quod seditiosus est in ciuiles Magistratus. Quicunque enim ordinatæ a Deo potestati resistit, Dei ordinationi resistit. Rom. xiiij. Eta Christo præcipitur: date, quæ Cæsar is sunt , Cæsari . Id est, Cæsari iustum & præceptam a Deo obedientiam: & reliqua, conseruandis imperijs necessaria. Et Petrus inqt: Subiecti estote omni humanæ creaturæ, propter Dominum. (Id est, principum constitutio-

stitutionibus. Ideo continuo additur: siue Regi tamquam excellenti: siue ducibus, tanquam ab eo missis, ad vindictam malorum, laudem uero honorum. Ita scilicet est & predicatur causa, cur oporteat ciuilibus Magistratibus & legibus ipsis obtemperare. Nulla uero causa est, cur Pontifices regnent aut imperent alijs: nedum Cæsari bus & secularis potestatis principibus. Quin etiam diserte prohibetur, ne regnet: neque dominiū sibi queratur in hoc mundo. Necque sua priuata uoluntate quicquam auderant, ut quod sunt ministri alienae potestatis, et quibus non licet docere nisi Dei uerbū.

Luc. 22.

1. Cor. 4.

¶ στήλαις, Erasmus Roter. uertit, aut nomen: pro quonominē uetus translatio habet, aut quod colitur. Significatur itaque illa uoce, aut Deus ipse, aut quicquid uerbo & uoluntate Dei ad nos allatum est, ut in præcipuo quodam honore & reuerentia a nobis habeatur. Quales sunt illi omnes cultus, quos Deus præcipit nobis: & quicquid in Euangeliō docetur, de Regno gratiæ & gloriæ Domini nostri Iesu Christi. Ac constat quod Papa, eos præceptos a Deo cultus contemnit, odit, persequitur & oppugnat: quod est sane efferrī adversus D E V M & diuinos cultus,

COMMENT. IN II. EPIST.

& diuina omnia quantum potest concilcare . Ideo & in Papam conuenit, illud Dan. vii. Sermones contra excelsum loqueretur, & sanctos altissimi cōteret. Hæc sunt enim duæ proprietates Antichristi, Deo aduersari & efferrī contra illius uerbum, & blasphemantes doctrinas in locum eius reponere: & deinde, uitæ sanctorum hominum insidiari, trucidare & persecui illos crudeliter , quod a uerbi Dei doctrina nolunt depelli.

Cæterum in templo Dei sedere, atque ostentare sese pro Deo, est aliquid priuatum, magisq; propriū Papæ , quam Mahometi. Sedet enim in templo Dei , qui regnum in illo tenet, hoc est, Pseudoprophetam & impostorem agens , intus imperitat Ecclesiæ , & regnum , siue potius tyrannidem, in illa occupat, ubi minime debet. Tale non est Mahometricum , aut Turcicum regnum, ut quod neque dicitur neq; credit Christi aut Ecclesiæ Christi Regnum esse. Armis enim & bello ac seditionibus partum & dilatatum crevit haec tenus & forinsecus oppugnat Ecclesiā. Sed Papæ dominatio, fraude & superstitione constituta & erecta, dicitur Ecclesiæ electorum Dei & Christi Iesu regnum esse: atq; is sua tyrannide & iniquitate

tate uastat omnia Christianę Religionis.
Creditur pius Pastor esse, qui totus est
prædo, insidiator, & rapax Lupus.

Ostentat autem se Antichristus (ille in-
testinus, qui intus in Ecclesia Regnū oc-
cupat,) tanquam sit Deus: quia singit, quod
in Ecclesia sibi more Dei nihil nō liceat.
De Papaloquor. Nam & Pape legibus,
quantumcunque tyrannicis & iniquis, di-
citur nulli fas esse, uel periculo salutis a-
nimæ suæ, repugnare . Et de Papa dicit,
quod euocari in ius & accusari non de-
beat, etiam si multas animarum myria-
des perdat, & mācipatui Satanæ tradat.
Sed & Mahometus, nisi Dei Prophetam
esse, se nō permittit credi. Adulatores au-
tem Papæ, uocant Papam ipsum terre-
stre numen: & dicunt eum omnia posse,
& licita ei esse illa , quibus pronūciet de
rebus Ecclesiæ omnibus. Quod certe est
diuinitatem isti arrogare: & Dei loco i-
psum iubere imperare. Ita postulat etiā
Papa a suis prædicari: & in constitutio-
nibus suis eadem de se iactat.

Sed in his locis omnibus explicādis,
si quid defyderabit, id ipsum in alio scri-
pto, quod institui de uera & falsa Reli-
gione, a me exponetur . Inter ea conclu-
dam, ea quæ dici potuerunt, de hoc ini-

COMMENT. IN II. EPIST.

DAN. 11.

quitatis Regno, quod est Papæ, hoc Daniellis uaticinio; Et docti in populo docebunt plurimos, & ruent in gladio et in flamma & in captiuitate & in rapina die rum. (Nam recta docētes in Papatu nusquam feruntur; sed atrociter interficiuntur.) Et faciet iuxta uoluntatem suam Rex: (Impius Pontifex , qui se Ecclesiæ Caput & supremum Dominum esse iat.) & eleuabitur & magnificabitur, & dirigetur donec compleatur iracundia. (creuit enim Papæ Regnum , & si manifeste repugnans his quæ in Euangeliō docentur : creuit autem tantis successibus , ut manifeste uideas , quod nisi irato peccatis nostris Deo inualescere , & magnum fieri, dirigi & fortunari , nunquam potuisset : sed quod fauente tandem mundo Deo, & finita ipsius iracundia, iam rursus dilabitur & perit , quod futurum Papistæ inaniter sperauerunt æternum.

An nō retinetis, quod cum essem apud uos, hæc dicebam uobis.

Dicebā, inquit, uobis, quod dies Domini nondum instet , neçq; ueniat prius, quam facta sit defectio, & reuelatus fuerit Antichristus ; ita ut regnet in Ecclesia, & ty

& tyrannides sua dissipet eam. Paulus enim reuocat eo modo Thessalonicensibus absens in memoriam, quæ præsens ante docuerat: & tam de aduentu Christi, quam Antichristi furoribus, prædixerat. Quibus etiam adhærere illos, & permanere in eorum fide, uoluit. Quasi dicat: quid est quod permittitis, ut falsiloqui doctores uos perturbent, & a fide prædicationis meæ auertant? Recordamini eorum, quæ antea uobis his de rebus locutus sum, cum uidelicet adhuc uobissem in Thessalonica essem: & differui ac disputauim de Apostasia & abominationibus Antichristi, de quod aduentu iudicis Christi in gloria.

Et nunc quid deineat, scitis: donec reueletur tempore suo.

Scitis, quoniam prædixi uobis: Atque ita quidem Paulus obscure loquitur, quo ad nostrum intellectum: & si, quo ad Thessalonicensium, satis aperte & clare. Proinde cum non habeam, quod de meo adferam in hoc Pauli scriptum, recitabo Augustini sententiam: cuius sunt in lib. de ciui. Dei, ca. xix. hæc uerba: Quod autem ait Apostolus, & quid detineat scitis: id est, quid sit in mora, quæ causa sit dilatationis eius, ut reueletur suo tempore,

Augustinus

COMMENT. IN II. EPIST.

scitis. Quoniam scire illos dixit, aperte
hoc dicere noluit. Et ideo nos, qui nesci-
mus, quod illi sciebat, peruenire cum la-
bore ad id, quod sensit Apostolus, cupi-
mus, nec ualemus, præsertim quia & il-
la, quæ addidit, hunc sensum faciunt ob-
scuriorem. Nam quid est? Iam enim my-
sterium iniquitatis operatur. Tantum q
modo tenet, teneat: donec de medio fiat.
Et tunc reuelabit ille iniquus. Ego pror-
sus quid dixerit fateor me ignorare, su-
spiciones tamen hominum, quas uel au-
dire uel legere potui, non tacebo. Qui-
dam putant, de imperio hoc dictum fuis-
se Romano: & propterea Apostolū Pau-
lum nō id aperte scribere uoluisse, ne ca-
lumniam uidelicet incurreret, quod Ro.
Imperio male optauerit, cum speraretur
æternum.

Theophylactus quoq; cõiecturaliter
ea de re scribit: & suæ sententiæ citat ad
stipulatorem Chrysostomum. Non rece-
dit autem a iam recitata per Augustinū
Theophyl. opiniōe. Sed Theophylacti uerba mox
hic subh̄cis: Quid detineat, inqt, hoc est,
quid prohibeat & impedimento sit. Quid
autem illud fuerit ambigitur. Nonnulli
spiritus gratiam dicunt, que prohiberet.
Nonnulli Rom. Imperium; cui sententiæ
beatus

beatus Ioannes Chrysostomus assentiatur. Nam nisi Roma, illud imperium exuertatur, nullam Antichristus habiturus est uia, ut queat pro sua cupiditate, quae uelit, perficere. Eoꝝ & Paulus rem hanc adumbrate dixit, nec palam expressit. Non enim temere uolebat Romanorū si bi inimicitias uendicare: uel se periculis frustra obijcere. Nam si dixisset: palo post sublatum iri Ro. Imperium, mox eum, ut suæ reipublicæ interitum minantem, uiuum suffodissent in terram, perdidissentꝝ & alios, qui ipsum sectarentur fideles, ut quibus tanti dominatus euersio læticiam peperisset.

Ergo, si hæc fuit Pauli sententia, ut omnino reor fuisse, plane liquet, quod suæ illa de Ro. Imperij euersione, (qua nunc maxima sui parte destructum, lacerum & dissipatum cernitur.) desumpserit ex Prophetæ Danielis septimo capite, in quo describitur Antichristus, multa de illo imperio occupaturus. Quod uaticinium nunc impletum cernimus, & Antichristi impietates propagari ab ihs ipsis, a quibus destru&ctum est, & dissipatum & euersum, & maxima sui parte occupatur usq; in hunc diem, hoc est, a Mahometicis & a Papa. Antea enim prohibe-

COMMENT. IN II. EPIST.

bantur superiore, id est, Romanorum, potestate, ne efficerent quod uellent; sed occupatione secularium regnorum Domini facti, etiam impias religiones plantauerunt, ut dominatum & regna sibi conservarent. Fuit autem maxime conuenientis signum, presentie Antichristi, Rom. Imperij euersio: quia Ro. regnum firmatum fuit ad hoc, ut sub eius potestate fides in toto mundo prædicaretur.

Quanquam autem illa Danielis sept. cap. de proprietatibus Antichristi, quibus describitur inuasor Rom. Imperij, et author nouæ legis, maximarumq; blasphemiarū seminator, propriæ quadrent in impium & scelerosum Mahometum, tñ illas omnes proprietates Papa adeo retinet, ut uideatur cum Mahometo certare, de impietate, scelere, et iniqtate, uter alterq; his oib; superet. Nā & iactat Papa, se Ro. Imperij uerè Dominum esse, & Imperatore destitutū, illius principatum hæreditate ad se deuolui. Quantas itē urbes, ciuitates, ducatus & regna, detracta huic Imperio, occupet, nō est ignotum. Necq; segnius opprescit Papa ueritatem doctrinæ Euangelij, & cultuū a Deo preceptor, persuas impias constitutiones, quam Mahometus persuum Alcoranū.

Sed

Sed inserā hoc loco pauca quædam de-
sumpta ex Daniele, de audacia & iniqui-
tate Antichristi, quo planius intelligatur
quid dicam, & a quibus iubeat spiritus
sanctus, ut nobis maxime caueamus.

Visio Prophetica inter cætera hæc ha-
ber: consyderabā cornūa, (illa decem, e-
ius bestiæ, quæ sua figura Ro. Imperium
adumbrabat.) et ecce cornu aliud parū
ascendebat inter ea: & tria de cornib[us]
primis euulsa sunt a facie eius. Et ecce o-
culi, uelut oculi hominis in cornu isto:
& os loquens grandia. Hæc satis luculē-
ta & perspicua prophetia testantur Anti-
christum in Ro. Imperio exoriturum fu-
isse, atq[ue] ita exoriturum, ut ipsemet illius
Imperiū inuasor & occupator esset futu-
rus. Mox etiam author impiæ doctrinæ
& maximarum blasphemiarum aduer-
sus Deum: quas persecutionibus & ar-
mis esset defensurus. Ita enim expositio
continuo subiecta Prophetice uisioni ha-
bet: sermones cōtra excelsum loquetur,
& sanctos altissimi conteret. Proinde cū
audimus dici, erat in cornu isto os lo-
quēs grandia, id intelligamus de impijs
& blasphematiibus doctrinis, tam quas
Papa in cōstitutionibus suis cōtra uerbū
Dei spargit, q[uod] Mahometic⁹ Alcoranus:

COMMENT. IN II. EPIST.

pro quibus non Mahometici solum, sed
& Papistæ dimicant gladio & armis, &
innoxij sanguinis multum effundunt.

Vide igitur & confydera duplex ma-
lum. Rom. Imperium debilitatum, solu-
tum, euersum, destructum & propemo-
dum totum sublatum est, (quātula enim
eius portio adhuc integra est?) idque sig-
nificationem habet grassantis Antichri-
sti, et impias doctrinas ferentis cōtra uer-
bum Dei, & Ecclesias Iesu atrocitate per-
secutionum debilitatis & uastantis. Sūt
cōtrariæ Christi & Antichristi operatio-
nes. Ideo sicut Christus uenit, non ut reg-
na sibi in hoc mundo paret, sed ut saluos
faciat peccatores: Ita Antichristus inua-
dit & occupat huius mundi imperia, &
religionis nouā formam inducit. Quod
nemini unquam licuit post Christū, nec
licebit, quamdiu hic mundus durat. Sed
& conari hoc facinus nō potest, nisi qui
animarum perditorem agit, quod pro-
prium est Antichristi. Atque utinam ho-
mines semper oculati fuissent & uigila-
sent, & tantis signis admoniti cauisserint si
bi ab Antichristi imposturis. Sed fieri a-
liter nō potuit, quin exurgeret Antichri-
stus, & Ecclesiæ libertatem oppimeret,
& uerbi Dei doctrinam conculcaret. Nā
hoc

hoc malum nostris peccatis debitum fuisse, ipse Apostolus Paulus affirmat. Veturum enim prædixit, propter hominū ingratisudinē & peccata, quod infra ex eius scripto discemus.

Nam mysterium iniquitatis iam agit: tantum obstat is qui detinet nunc, donec auferatur ē medio.

Et hæc testantur, Antichristum Regno suarum abominationum nūquam quietuisse insidias struere aduersus Ecclesiam Christi, & in ipsis quoq; Apostolorum temporibus sua iniquitatis studia proferre in lucem & propagare conatum esse. Etsi nondum posset regnare, nec quiduis pro libidine audere. Prohibebatur enim superiore, id est, Romanorum, ut ante expositum est, potestate: quæ postq; infirmata est, & magna ex parte destruta, & Antichristus ipse in Romanorum Regno magnus & potens factus est, tūc uastari ab eo & dissolui ipse quoq; Ecclesiae Iesu Christi cœperunt. Papa certe, cū se Rom. Imperij dominū fecit, & ius conferendi illud cui uellet sibi sumpsit, fauore Principum adiutus facile effecit quicquid uoluit, nec prohiberi ulterius pos-

COMMENT. IN II. EPIST.

uit, quin suarum abominationum, quā-
tum uellet, cōstitueret, & pferret in lucē.

Testatur autem & Apostolus Ioānes,
Antichristi impietates in ipsis q̄q; Apo-
stolorum temporibus aliquoūq; inua-
lescere cœpisse. Ita scribit enim i. Ioan. ij.
Nunc sunt Antichristi multi. Sed tandem
insignis quidam impostor & Antichri-
stianæ factionis quoddam supremum
Caput, cum prohiberi amplius non pos-
set, quia summo loco inter Principes hu-
ius seculi dominabatur, Papa uidelicet,
cœpit perdere Ecclesias Dei, & oīa ue-
re religionis, quę fuerant instituta a Chri-
sto Iesu, opprimere & conculcare.

Nota est autem emphasis, uerbi ζητε-
ῖαι . Significat enim agere & uim su-
am exercere . Id rectius faciebat Anti-
christus Apostolorum temporibus, &
uim suam & efficaciam propagare occul-
tius studuit. Plane tamen ostendit ac de-
clarauit, quod aliquid moliretur ad per-
dendum Ecclesias Iesu Christi; idque a-
deo in ipsis primordijs, cum uix natæ es-
sent Ecclesiæ. Ita enim erant multi qui no-
ua dogmata, pugnātia cum fide in Chri-
stum, ætate Apostolorū introducebant:
& persecutions ad opprimendum Euā-
gelij doctrinam excitabant.

Et

Et tunc reuelabitur ille iniquus: quem Dominus Iesus interficiet spiritu oris sui, & destruet adparitione aduentus sui.

Reuelabitur, quia manifeste exurget, prodibit, erit potens, & operatione impietatis & erroris efficiet quicquid uult: & si enim ne tunc quidem potuerit ab omnibus cognosci. Nam speciem pietatis semper retinuit, & quicquid effecit, per errorem & Satanicas operationes firmauit. Antea uero quam dominari in regnis mundi huius cœpit, nō potuit ea violentia aut tantis insidijs grassari, quātis postea omnia pro abominationibus suis constabiliendis peregit.

δανομος, iniquus. Significat eum qui nulla legum reuerentia tenetur, nec aliquo numinis metu. Quasi dicas, effrenis iste impostor & sceleratus homo, q nulla bonarum aut piarū legum regula uult duci aut teneri, sed præcipitato cursu fertur, tum contra humanas, tum etiam contra diuinias. Seque iactat omnibus superiorem: omnes & omnia contemnēs. Omnipotenti libertatem opprimens, neq; permittens, se ab ullo homine iudicari. Et

COMMENT. IN II. EPIST.

hoc unum requiriens, ut suis constitutio-
nibus omnes obediant; nec utilitatis, uel
honestatis habita aliqua ratione.

Hæc uero ut quadrent omnia in Pa-
pam, ex superiore scripto, de furente An-
tichristo, se secq; pro Deo ostētante, intel-
ligi non nihil potest. Est autem hoc quo-
que insigne facinus τῆς ἀνομίας & summæ
iniquitatis in Papa, quod nulli tractato-
ri, seu expositori sacrarum literarum ce-
dit: quantumcūq; firmis rationibus san-
ctorum scripturarum ille nitatur. De qua
impudentia legi possunt, quæ sunt in li-
bro Decr. dist. xx. Etsi eo loco excuset
Gratianus eam Papæ audaciam & uio-
lentiam, tanquam sit recta, utilis, necessa-
ria & iusta: cum uiolet non tantum ius
humanum, quo inuicem cedunt sibi ho-
mines, qui ueritatem inquirunt, & utilita-
ti reipublicæ consulunt, sed etiam sacra-
rum literarum authoritatē irrideat atq;
cōtemnat. Nam illis iubemur cedere in-
uicem pro ueritatis indagatione, nec as-
sentiri ullis doctrinis, nisi quas constet
cum uerbo Dei consentire.

Ac possent hic recitari multa alia exē-
pla audacium scelerum, quæ Ro. Pontifi-
ces contra humanas & diuinæ leges au-
dent atq; admittunt; ut Anomī non tan-
cum

tum, uerum etiam Antinomi uocari que
ant. Ita em omnibus æquis, iustis & pñs
legibus aduersantur, omnesq; cum liber
soluunt. Nam ipsa quoq; fœdera, seu pa
cta & iuramenta, quibus subditi obstru
cti & obligati sunt Principibus & Magi
stratibus, rumpūt, & cum summa iniqui
tate dissoluunt. Qua de re legi possunt,
quæ sunt in Decr. Papæ. Cau. xv. q. vi.
Quo loco etiam gloriatur Papa, de ante
cessorum suorū exemplis, quasi ista pri
us inaudita temeritas, posuit aliorum fa
cinarosa facta excusare. Aut quasi pessi
ma aliorum exempla, etiā nouis patroci
nentur.

Ita sunt ergo isti Pōtifices, qui contra
ius diuinum primas in omnibus uendi
cant sibi, non tantum audacter impñ, sed
etiam cum uiolentia tyrānidis iniui: &
omnium bonarum constitutionum, pa
ctorum & ordinationū aduersarij & ho
stes. Et quid non auderent, qui ipsa quo
que Dei mandata in irritū ducunt? Quo
ties enim contemnunt diuinas leges, in
stituta & ordinationes? Nam & coniu
gia prohibent, a Deo ordinata & institu
ta, tum etiam præcepta his, qui continē
tiā aliter seruare non possunt.

Huc pertinet Pontificia tyrannis ista,

COMMENT IN II. EPIST.

quam exercet Papa, in reseruatione certorum casuum, qua uidelicet nulli remittat peccata, neque permittit remitti, non placatus antea certis satisfactionibus.

Quasi remissio peccati sit aliquid sue priuatæ potestatis, & non potius publici iuris in Ecclesia, cuius sunt dispensatores & ministri Ecclesiæ Doctores, qui ad hoc uocati & ordinati sunt. Omnesque pollent eadē potestate, nec unus minus, alius plus, accepit: scilicet, pro reseruacione aut remissione peccati. Nec dispensant illum thesaurum pro sue uoluntatis arbitratu: sed certis legibus. Quas cum Papa contemnit superbe, & sibi plus arrogat, quam donatum est Ecclesiæ, & prerule runque retinet peccata quibus nulla potest retinere, non iniuria Antichristianæ iniquitatis & tyrannidis accusatur.

Sed iam satis est exemplorum, quæ probant Papam summe iniquum esse, tam in homines quam in Deum, & Antichristi munus omnibus modis completere. Iam etiam Antichristum Paulus ita regnaturum fuisse, eaçq; potētia munitum, prædixit, ut nulla quam diuina potentia extingui tandem ac destrui possit. Idcirco enim inquit: Quem Dominus Iesus interficiet spiritu oris sui, & destruet adpari-

partitione aduentus sui. Ita enim specie religiosorum cultuum contextus est, ut eius mendacia & imposturæ, nisi per diuinam reuelationem, quæ fit spiritu sancto per uerbum Dei, cognosci non possint. Et potentia secularis dominationis ita munitur, ut deficere a Papa, & Christo se coniungere, sine periculo facultatum, honoris & uitæ, nemo possit.

Quapropter opus in Ecclesia habemus, ut Papa uirtute spiritus Christi reiectus cognoscatur, qualem egerit impostorem, simul ut nos illo eodem Spiritu confirmati, post diutinos errores ad Christum recurramus. Quod cum sit, deficit subinde Antichristus, & paulatim consumitur. Etsi non potest totus prosterni, uel ejici extra Ecclesiam, quam diu hic mundus durat. Quia eius semper remanebunt aliquæ reliquiæ, usque ad iudicis Christi aduentum. Tunc enim funditus extirpabitur, & totus destruetur. Interea diligentius uigilandum est nobis omnibus, ne cui sit noxius, ut haec fuit. Nam idcirco per uerbum Dei reiectus est nobis, ut insidiantem declinemus & caueamus.

COMMENT. IN II. EPIST.

Eum, cuius est aduentus secundum efficaciam Satanae: in omni uirtute & signis, & prodigijs mendacibus.

Nihil igitur potest Antichristus, non adiutus a Diabolo: a quo uidelicet agitur & impellitur efficaciter. Nec ob id contemnenda est illius potestas: sed hoc magis metuenda. Horribilis enim impostor est, & efficax mendaciorum Magister diabolus. Deinde præcipuus ac summus aduersarius & calumniator regni gratiæ Domini nostri Iesu Christi. In hoc autem rogandus est Deus, ut nos protegat per Christum, neque finiat Diabolum suis præstigijs in nos præualere. Testatur autem & alio loco Paulus, impias doctrinas ab instinctu dæmonum proficiendi, ui delicit, i. Timoth. iiiij. Et Doctores, qui impia docent, & credi uolunt pia & reætate tradere, adsimilat Satanæ, qui se transfigurat in Angelum lucis. ij. Cor. xi. Tunc maxime cum per impios Doctores querit noxius esse, quos etiam signis & prodigijs mendacibus adiuuat.

Quod ad signa attinet, impius Mahometus dicere solitus fuit, se non in uirtute signorum sed armorum uenisse, quo manifeste confessus est, quod pro sua no

ua lege non nisi sceleratum homicidam egerit. Vedit impius homo, & mendax ac uiolentus impostor, Euangelium de Christo habuisse sua testimonia diuinæ uirtutis per miraculosa signa, quibus cū ipse destitueretur, uiolenta manu statuit omnia peragere. Sed in Papatu iactabātur plurima signa: quæ quia testimoniū ferebant uerbo, repugnari doctrinæ Euangeli, non obscurum est, quem artificem habuerint & Magistrum, nimirum, Diabolum. Quæ, cur mendacia signa uocentur, ambigitur.

Augustinus lib. xx. de ciuit. Dei, cap. xix. Soluetur, inquit, Satanæ, & per illum Antichristum, in omni sua uirtute, mirabiliter quidem, sed mendaciter operabitur. Quod solet ambigi, utrum propter ea dicta sint signa & prodigia mendacijs, quoniā mortales sensus per phantasmatu decepturus est, ut quod non facit, facere uideatur. An, quia illa ipsa, si erant uera prodigia, ad mendacium pertrahent, credituros nō ea potuisse nisi diuinitus fieri, uirtute Diaboli crescente, maxime, quando tantam, quantam nunquam habuit, accepit potestatem.

Hæc posterior ratio mihi præcipuo placet, ut credas facta esse, ne deessent ex

COMMENT. IN II. EPIST.

ercitia fidei iustis: iniustis autem et super
stitionis occasio fierent grauioris ruinæ
& maioris excæcationis. Solent enim
ob id permitti a Deo , quæ mendacibus
doctrinis testimonium perhibent uerita-
tis, quemadmodum de cauſſa talium si-
gnorum docemur, Deu. xiij. Moses quo-
que, de incātatoribus, quorū opera usus
est Pharao, Rex Ægypti, ut signa Dei, tā-
quā præstigias incantantiū eluderēt, scri-
bit, quod uera signa ēderint, hoc est, ue-
ros colubros fecerint, plectis in medio
uirgis. Tametsi imposturæ essent & men-
dacia in ihs ipsis signis, tum quod diuina
uirtute non siebant, sed permittēte Deo
magica incantantium arte, tum etiam,
quia doctrinis dæmoniorum suffraga-
bantur & testimonium ueritatis defere-
bant, atq; ita ethnicam impietatem con-
firmabant.

Et in omni seductione iniquitatis,
his qui pereunt , eo quod dilectio-
nem ueritatis non receperunt, ut sal-
ui fierent.

His ipsemet Paulus de cauſſis prodi-
giorum mendacium satis aperte se expo-
nit, Fiebant igitur uere illa mendacia si-
gna,

gna: sed imp̄js in pœnam & seductionē,
 qua iniq̄itati, tanquam summē iusticiæ
 consentiebāt. Aut dicens: seductionem
 iniqtatis, Apostolus, tam de imp̄js do-
 ctrinis q̄ mēdacibus signis loquit̄. Vtris-
 que em̄ destruit̄ fides in Christū. Punire
 aut̄ Deum, erroribus & excēcatione, sui
 uerbi contemptū, etiā illa Christi testant̄.
 Ioā. v. Ego ueni in noīe Patris mei & nō
 receperistis me; si alius uenerit suo noīe, il-
 lū recipietis. Nam & Iudei posteaq̄ repu-
 lerunt Christū & Euāgelij doctrinā, per-
 petuis impostoribus uexant̄. Et in ultio-
 nem peccati, id est, infidelitatis & imp̄œ
 nitentie, quæ in Papatu admissimus, casti-
 gantur haud dubie multi, usq; in hunc dī-
 em, ne credant Euāgeliō, nec possent
 grauiore pœna affligi, quam illa sedu-
 ctione iniq̄itatis.

Seductio, Græce est ἀπάτη. Quo nō
 mine significatur fraus & deceptio, qua
 quis a uia abducit: non qua errās deuia
 ipse sua culpa, sed aliena astutia & insi-
 dijs deceptus, ne rectam uiam non amit-
 tat. Quemadmodū cum credimus & ob-
 temperamus, his qui nos a fide in Chri-
 stum auertunt, & a uera erga Deum pœ-
 nitentia, persuasi quo d uera & recta nos
 doceant. Hæc igitur seductio talis est,

COMMENT. IN II. EPIST.

ut in ea mendacium pro ueritate amplectamur, & uocatur iniuitatis, quod in grauiissima peccata per eam, & impiorum cultuum iniuiissima studia, a iusticia & salute Euangelij, detorquemur.

Porro dilectio ueritatis, est amor & studium ueritatis, nominatim autem illius doctrinæ, quæ tradita est in Euangeliō, de nostra eterna salute per Christum. Cui nunc Papistæ ita repugnant, ut uix unquam atrocius sæuitum sit in eius ueritatis professores, nisi quod non omnibus in locis sæuire illis permisum est. Quia in multis regionibus a superiore potestate prohibetur: quod nisi fieret, neminem ferrent qui ueritatem Euangelij & Christi gloriam profiteretur. Theophylactus dici putat Christum, quem repellant infideles, qui est, ut inquit, charitas & ueritas. Sed hæc eius sententia, nō est diuersa a nostra expositiōe, nisi quod nostra illa est simplicior.

Ideo mittet illis Deus efficacem imposturam, ut credant mendacio, ut iudicentur omnes qui non crediderunt ueritati, sed consensum prebuerunt iniuitati.

His

His fere eadem sententia Apostolus, quæ iam exposita est, agit de pœna incredulitatis & impœnitentiæ, quibus uicissim fit, ut doctrinæ ueritatis & salutis quidam contradicat. Ideo & tali ultione animaduertit in istos Deus, ne credant nisi ex efficaci impostura mendacio, hoc est, mendacibus ualidissimæ imposturæ doctrinis. Tales sunt autem, cum impijs doctrinis accedunt mendacia signa. Seducti autem periculosissime falluntur, quia cum credunt se in via iusticiæ, ueritatis & salutis esse, ambulant in via iniquitatis, mendacij & sempiternæ perditionis.

Cum his si quis conferat, quæ seductores Papistæ pro summa laude esse sibi dicunt, facile intelliger, quæ præcipua præmia ipsis debeantur, nimirum grauior ira & duplex condemnatio, & in omnibus maior quam reddetur seductis. Sunt autem impiæ doctrinæ, quas Deus permettit uenire, efficaces imposturæ, quoniam habet cooperatorem Diabolum exercitantem mentes infidelium, ut Paulus inquit, ne fulgeat eis illuminatio Euangelij gloriæ Christi, qui est imago Dei. De pœna autem incredulitatis, quæ est exceccatio, & de qua hic sermo est Apostolo Paulo, sæpe loquitur scriptura, & sæpe

2.Cor. 4:

COMMENT. IN II. EPIST.

Esa.6. producit de ea hoc Esaiæ testimonium:
Vade & dices populo huic, audite audie-
entes & ne intelligatis, &c.

Hæc hactenus de Antichristi iniqüita-
te & iniusticia: & de his omnibus malis,
quæ per impias doctrinas, & oppressio-
nem Euangeliæ de Christo, inuexit & ad
huc inuehit in Ecclesiam. Sequentia Pau-
lini scripti continent gratulatoriam con-
solationem, qua Thessalonicenses uolu-
it confirmare infide salutis, quæ est om-
nium a Christo Iesu. Pertinet igitur ea cō-
solatio ad omnes, qui per Euangeliū
in Christum Iesum credunt. Quapro-
pter & nobis loqui existimemus. Apos-
tolum in ea consolatione, & nihil me-
tuamus insidiantem Antichristum, si mo-
do spei salutis firmam per Christum re-
tinuerimus, usque ad finem huius no-
stræ uitæ. Sed nunc Apostoli consolatio-
nem audiamus. Nā eius sunt hæc uerba.

Nos autem debemus gratias a-
gere Deo semper pro uobis fratres
dilecti à Domino: quod elegerit uos
ab initio ad salutem, per sanctifica-
tionem spūs, & per fidem ueritatis.

Primum, gratiarum actio non est ocio-
sa.

sa. Glorificat enim Deū pro suis donis,
 & hortatur nos ad exempli imitationē:
 ut de his locis ab huius Epistolæ initio *Dilectio era*
 abunde satis scripsi. Porro dilectionis er *ganos Dei.*
 ganos Dei certa & firma signa, sunt ip-
 sa Euangelij annuntiatio, & prædicatio
 remissionis peccati per Christum. Fite-
 nim illa annuntiatio uoluntate Dei, &
 testatur quod in gratiam adoptionis per
 Christum suscipiamur, & loco filiorum
 Dei habeamur: si modo sint qui do tri-
 nā Euangelij fide recipiant, & gratia mi-
 serentis Dei sese committat. Psal. 47. Di-
 ligit Dns timentes se, & sperantes in mi-
 sericordia eius. Et Ioan. iii. Sic Deus dile-
 xit mundum, ut filium suum unigeni-
 tum daret, ut omnis qui credit in eum nō
 pereat, sed habeat æternam uitam.

Hęc est ergo gratia Dei, qua fecit nos
 acceptos per dilectū. Eph. i. hoc est, per fi-
 lium Christum. Vę igitur impijs Docto-
 ribus istis, qui iubent nos de gratia Dei
 dubitare, & utrum a Deo diligamus.
 Cum Deus nihil perinde certum esse no-
 bis uelit, quam ut credentes Euange-
 lio existimemus nos in gratia eius esse,
 & diligi propter Christum. Tum eti-
 am ut ipsi uicissim diligamus Deum,
 quos ut filios ipse prior dilexit, & per

COMMENT. IN II. EPIST.

mortem unigeniti filij saluos fecit. Rom. v. Commendat autem charitatem suam Deus erga nos, quod cum adhuc peccatores essemus, Christus pro nobis mortuus est; multo igitur magis iustificati nunc in sanguine ipsius salui erimus ab ira per ipsum. Constat igitur, quod credentes in Christum diligimur a Deo, quem uicissim merito diligimus. i. Ioan. iiiij. Nos ergo diligamus Deum, quoniam Deus prior dilexit nos. Non potest enim diligi, nisi sciatur placatus esse, & nos diligere.

Proinde & in confirmationem fidei nostrae, quia sciamus nos diligiri a Deo propter Christum, dicitur in eadem Epistola eodem capite: Per hoc adparuit caritas Dei, quod filium suum unigenitum misit Deus in mundum, ut uiuamus per eum. In hoc est caritas, non quod nos dilexerimus Deum, sed quod ipse dilexit nos, & misit filium suum propitiatorum pro nostris peccatis. Ex his intelligis optime Lector, quanta fidei exercitia, quantas consolationes, laudes & gratiarum actiones extinguant isti impij doctores, qui nos de gratia Dei iubent dubitare: esseque aduersarios doctrinæ Euangelij, & spiritu Antichristi agitari. Ingens enim materia laudis & gratiarum actionis

nis oblata est omnibus , qui didicerunt firmis rationibus, se dilig i a Deo , & per Euangelium ad æternæ uitæ salutem uocari. Et cum credimus Euangelio, quantos obsecro consciētiarum mœrores ex cutimus: & quanta desperationis pericula euadimus? Ideo & Paulus Rom. v. inquit: Iustificati ex fide pacem habemus erga Deum, &c. Danda igitur cumpromis opera est, ut doctrinæ fidei in Christum certi simus, & sciamus nos per ipsum dilig i a Deo. Neque auscultemus istos doctores , qui quæ certa esse nobis uoluit Deus, ipsi faciunt incerta, & quantum possunt fraudant nos æternæ uitæ salute. Nunc autem , quādo id exigit ratio & ordo enarrand i Paulini scripti, pauca quedam & de diuina electione dicamus.

Electio significat propositum miserendi, & saluos faciēdi, quos Deus illo proposito ordinauit, ut uitam æternam hæreditate consequantur . Nec est curiose de hoc Dei consilio disputādum , sed eo cognito fides confirmanda est, qua certo statuamus nos dilig i a Deo , & salutē æternæ uitæ consequi perfidem in Christum. Et diuini consiliij proposito, nobis reuelato utamur contra tentationes desperationis. Ideo & Paulus cum inquit,

*De diuina ea
lectione.*

COMMENT. IN II. EPIST.

elegit uos ab initio ad salutem , indicat æternitatem istius propositi , ac firmitatem seu immutabilitatem . Hinc dicitur & Eph.i.elegit nos per filium ante mundi constitutionem . Neque cadit in diuinam mentem mutatio . Roma . xi . Immutabilia sunt dona & uocatio Dei . Malach . iij . Ego Deus & non mutor . Iacob . i primo . Apud quem non est transmutatio , nec uicissitudinis obumbratio . ij . Cor . i . Quotquot enim promissiones Dei sunt , per ipsum etiam & per ipsum sunt Amen , Deo ad gloriam . Idcirco maxime certi sumus & securi æternæ uitæ quatenus in Christum Iesum credimus . Certi & securi , quia consilium Dei mutari non potest , & quia Deus ordinavit ut credentes per Euangelium in Christum Iesum habeant æternam uitam .

Nec alio nos ducit Paulus , illa sua doctrina de electione , nisi ut firmitatis diuinis propositi nos admoneat , ac faciat certos æternæ salutis , quatenus in Christum Iesum credimus . Quia statim post quam nos illius propositi admonuit , subiicit expositionē de medijs , per quæ iuxta Dei ordinationem æternam uitam consequamur . Sunt autem sanctificatio spiritus , & fides ueritatis . Id est sanctificatio .

ficiatio nostri , quæ fit spiritu sancto : & fides ipsa promissionum Euangeliū , de peccati remissione & æterna uita per Christum . Est autem officium spiritus sancti , inquinata uicijs & peccato cor da sanctificare , id est , repurgare ab his inquinamentis . Et nouos motus in illis creare , ac nouum lumen , ut & diligent Deum & mandata eius custodiant , & per Euangelium in Seruatorem Christū Iesum credant .

Dicitur autem a Paulo , noticia seu fides promissionum Euangeliū , fides ueritatis . Et ea figura dicendi fere usus est ad Tit.i.Paulus seruus Dei , Apostolus autem Iesu Christi , secundum fidem electorum Dei et agnitionem ueritatis , quæ secundum pietatē est in spe uitæ æternæ . Hæc fides igitur est specialis illa & iustificans , qua a Deo electi ad salutem beati efficiuntur & sumus , nec sine hac fide potest quisq̄ saluus fieri . Ideo & Act . xij . dicit : Crediderunt , quotquot erant præordinati ad æternam uitam . Hæc doctrina etiā excludit Pharisæicā gloriacionem , & factorum nostrorū meritis derogat . Quia testatur neminem eligi per iusticias legis , ut saluus fiat : sed per spiritus regenerationem & fidem in Christum , qui est

COMMENT. IN II. EPIST.

precium & satisfactio pro nostris peccatis, & pro æterna morte. Sed hæc explicanda sunt in doctrina, de uocatione nostri per Euangelium, de qua mox subiiciatur ab Apostolo Paulo,

Ad quod & uocauit uos, per Euangelium nostrum, in acquisitionem gloriosam Domini nostri Iesu Christi.

Vocauit, inquit, uos Deus, quos elegit ad immortalis uitæ gloriæ, uocauit autem, non per legis iusticias, sed per Euangelium nostrum, hoc est, per meam prædicationem, de æternæ uitæ salute, quæ doctrinæ in Euangeliō de Christo continentur. Hanc summam doctrinæ Euangeliū fere complexus est Paulus, secunda Timothei primo. Saluos fecit nos & uocauit uocatione sua sancta, nō secundum opera nostra, sed secundum propositum suum & gratiam, quæ data est nobis per Christum Iesum ante tempora æterna: manifestata est autem nunc per adparitionem Salvatoris nostri Iesu Christi, qui destruxit quidem mortē, uitam autem & incorruptibilitatem in lucem produxit per Euāgelium. Ideo per Euange-

Euangelium, quia nisi per illius annunciationem credi in Christū, qui nunc glorificatus regnat a dextris Dei Patris in cœlis, non potest.

Iam cum Paulus hæc Gentibus scribat, de Gentium uocatione debent intellegi potissimum. Vnde & acquisitionem glorioſam Christi, intelligamus dici Gentium salutem, quæ per Christū illis parta est. Ideo et Psal. ij. dicitur: Postula a me, & dabo Gentes hæreditatem tuā, & possessionem tuam terminos terræ. Et Eſaię xlīx, Dedi te in lucem Gentium, ut sis salus mea usq; ad extreum terræ. Quanquam autem & bonæ conscientiæ iusticia necessaria est, quia q; flagiciose uiuunt, non possunt Deo placere, tamen nō meretur nec remissionem peccati, nec uitæ æternæ donum. Nam hæc gratiæ beneficia contingunt nobis per solam in Christum fidem. Opera autem quæ præstamus per nostræ obedientiæ iusticiam ex fide, placent Deo, ac sunt spirituales cul-
Rom. 3.
Ioan. 3.
1.Pet. 2.
2.Tim. 4.
 tus, & accipiunt sua præmia in cœlis.

Itaq; fratres state, & tenete traditiones quas didicistis, siue per sermonem, siue per Epistolam,

His ipsam quoq; per seueratiam requie-

COMMENT. IN II. EPIST.

rit Apostolus, tum fidei, tum etiam morum, seu honorum operum. Est enim necessaria uirtus, sine qua nihil proderit in studijs pietatis aliquando bene coepisse. Qua de re pdest legere, quæ sunt Ezech. xvij. Et i. Cor. ix. dicitur : sic currite, ut comprehendatis. Vocat autem traditiones Paulus, quicquid se docente et tradere, didicerant Thessalonicenses, hoc est, Euangelij doctrinam, de uera pœnitentia erga Deum, ueracq; fide in Dominum Iesum. Nam Apostolo Iesu Christi non licuit aliud docere. Et scripta Pauli satis restantur, quam in docendo materiam retinuerit, & quomodo omnibus pñs Ecclesiae doctoribus sit imitandus. Nam et rationem docendi a Christo traditam, ipse secutus est, nulli Apostolo inferior, & nulli in doctrina repugnans.

Ipse uero Dñs noster Iesus Christus, & Deus ac Pater noster, qui dilexit nos, & dedit consolationem æternam, & spem bonam per gratiā, exhortetur corda uestra & confirmet uos in oī sermōe et opere bono.

Exhortationi pro retinenda perseuerantia, qua simul in studijs pietatis proficiamus.

ficiamus, crescentes in quolibet bono opere, (hoc est enim perseverare, etiam urgere, ut subinde melius prestes quem bene cooperis.) Apostolus & precatione subiecit, quoniam nihil obscure docet, omnes uere Christianas uirtutes, & ipsam adeo perseveratiā, dono Dei contingere nobis. Et significat nobis quoque opus esse cotinus precationibus & inuocatione pro iisdem donis, & praecipue cuiusdam uigilantię studio. Nam & alio loco scribit: Phil. 2. cum metu et tremore uestram salutē opermini, Deus est enim, qui operat in uobis uelle & efficere, pro beneplacito.

Nec est negligēter pretereundū, quod Paulus testat, ipsum Dñm nostrum Iesum Christū, esse eorumdem donorum cum Deo Patre nostro, largitorē. Ita enim Deum esse significat, & cum Patre Deo efficere, ut proficiamus & perseveremus in quilibet bono opere. Atque huc facit illud Ioh. xv. sine me nihil potestis facere, id est, sine mea uirtute, & potentia agente in uobis. Et ad Eph. iiij. dicimur conditi esse per Christū Iesum ad bona opera, quae Deus præparauerit, ut in ipsis ambulemus.

Porro de dilectione erga nos Dei antea abunde satis dictum est. Cæterum æterna illa consolatio, quam Deus uult

COMMENT. IN II. EPIST.

perpetuo extare in Ecclesia, est ipsa Eu-
geliū doctrina, & annuntiatio remissio-
nis peccati per Christum, qua etiam eri-
gimur omnes in spem bonam, accipien-
dæ uidelicet æternæ uitæ per eundem.
Contingunt autem nobis illa eadem do-
na per solam gratuitam gratiam Dei, de
quo frequenter docendi sumus, ne quis
superbe de meritis suarum iusticiarum
glorietur.

CAP. III

AETERUM fratres orate pro no-
Cbis, ut sermo Dei currat & glo-
rificetur sicut apud uos, & ut
liberemur ab importunis & malis
hominibus.



SSE plurimas causas necessariæ ora-
tionis, qua gratiam nobis & auxilium
flagitemus a Deo, plane liquet ex his
quæ docuit Chri-
stus in formula ora-
tionis, nobis a se præscriptæ. Paulus igi-
tur

tur & pro se uoluit precatiōes fieri, cum ut Euangelium utiliter doceret, tum etiā ut liberaretur ab importunis et malis hominibus, qui suis conuicij & contradictionibus Euangeliū cursum remorabantur. Currere autem dicitur sermo Dei, cū in prædicatione & doctrina nihil impedit sed fœliciter propagat, ita ut a multis fide recipiatur, & illi credentes glorifificant Deum & salui fiant.

Cæterum Paulus , cum ageret Athēnis, & hæc scriberet, habuit importunos multos, & doctrinæ Euangeliū infensos: cum primis Philosophos , ut a quibus Christiana doctrina præcipuo irridebatur, eo quod in articulis fidei nullis rationis probationibus niteretur. Hinc enim Apostolum ipsum, illius doctrinæ præconem, uocabant ignominiose spermo logum, hoc est, scurram, uanum, leuem atq; nugacem hominem, cui tāquam de inanibus & uanis concionanti nulla fides habenda esset. Nam & articulo de resurrectione mortuorum omnium præcipuo offendebantur, ut refertur Act. xvij

Nunc Papam & Papistas præcipuos aduersarios habemus, uere importunos & malos homines , qui doctrinæ Euangeliū cursum suis criminacionibus retar-

COMMENT. IN II. EPIST.

dant: & prædicati uerbi Dei fructum & gloriam, quantum possunt, impediunt. Oibus bonis & pijs hoibus molesti & noxij, quapropter non possunt Deo placere, in oibus consilijs & factis suis. Sed oportet, ut in his omnibus sint infoelices & infoeliciter agat. Sunt præterea multi impji Doctores, qui peruersa & fanatica in studijs suis ingerunt, ut Anabaptistæ & illorum alij similes. Orandum est autem, ut ab his omnibus importunis et malis hominibus liberemur.

Seppe autem docemur Pauli exemplo, de necessitate orationis pro Ecclesiæ doctoribus, quo adiuti a Deo, sermonem fidei expeditius loquant, & illius doctrina & prædicatione in pluribus fructificant. Ut Rom. xv. Obscro uos fratres per Dominum nostrum Iesum Christū & per charitatem sancti spiritus, ut adiuetis me in orationibus uestris pro me ad Deum, ut liberer ab infidelibus qui sunt in Iudæa. Et Col. iij. Orationi instante, uigilantes in ea cū gratiarum actione, orantes simul pro nobis, ut Deus aperiatur nobis ostium sermonis, ad loquendum mysterium Christi. Sciamus igitur, huius officij nos quoq; debitores esse, p Ecclesiæ doctoribus & pro doctrinæ uer

bi Dei gloria. Quod cum pr̄estiterimus,
id prodesse non tam alijs, pro quibus
precationes fundimus, (Ita aut̄ frequenter
pro multis orandū est.) uerum etiam no
bis utile esse, cum ut tranquillus & nos
agamus, tum etiam ut uerbi fidei fructū
subinde melius percipiamus.

Non enim omnium est fides.

Hęc testant̄, fidem esse insigne & rarū
Dei donum. Est autem ratiuncula in hoc
dicto Pauli, edisserens cur quidam Euan
gelio resistant & contradicant, ut opus
sit orationes facere pro uerbi Dei docto
ribus, contraq; importunos. In quibus
ipsa contradictione & rebellio arguit, fidē
in Deum istos nullā penitus habere aut
habuisse; & si iactent se quoq; credere Eu
angelio Dei nostri. Nam & Iudæi, qui
Christo contradicebant, iactabant se cre
dere in Deum Patrem & conditoris reg
e oīm. Si igit̄ in huiusmodi importunos &
malos homines incideris, quoq; semper in
gens multitudo est, cogitabis fidem rem
esse minime uulgarē, nec contingere illā,
nisi electis a Deo & pr̄ordinatis ad eter
nā uitā. Est aut̄ diligentius uigilandū oī
bus pīs in oratiōibus suis, ne increduli
isti sua importunitate & malicia noceat

COMMENT. IN II. EPIST.

nobis, neque eripiant nobis salutis doctrinam, quod constat maxime conari eos. Quorum peccata punit Deus, nisi credant Euangelio salui fiant.

Esa. 6.
Mar. 4.
& Cor. 4.

Iam etiam illo doctrinæ genere, quo ties intuemur raritatem credentium, mutniamus corda nostra, ne etiam ipsi a fide deficiamus. Credunt enim soli, quos Deus docet ac trahit, quorum paucitatem & Esaias consyderans ait: Domine quis credit auditui nostro, & brachium Domini cui reuelatum est? Quid? quod fere non credunt Euangelio, nisi homines ignobiles, indocti & insipientes carne. Aut certe pauci cum his ex sapientibus. Ut testantur illa Pauli, i. Cor. i. Videte uocationem uestram fratres, quod non multi sapientes iuxta carnem, etc. Qui locus etiam docet, cur Deus hoc delectu utat, in quo potiores habet insipientes quam sapientes, infirmos quam potentes, peccatores quam justos, ut uidelicet confundat, qui suæ sapientiæ, potentiæ, nobilitatis & iusticiæ fiduciam habent. Hec enim docet ex Hiere. cap. ix.

Aduersatur enim & resistit superbis Deus, humilibus autem dat gratiam. Id est, omnibus illis irascitur, & punie eos, qui rerum quarumcunque suarum fiduciam

ciam habent. Atq; ideo dicitur, se beneficia gratiæ suæ non nisi paruulis, id est, insipientibus carne reuelare, sapientibus autem & magnis illa abscondere. Quo nomine etiam gratias agit Deo Christus, Matth. xi. Gratias ago tibi Pater, Domine cœli & terræ, quia abscondisti hæc a sapientibus & prudentibus, & reuelasti ea paruulis. Ita Pater, quoniam sic placitum est coram te. Et contra Pharisaice iustorum superbiam dictum est, Matth. ix. a Christo Iesu. Non ueni uocare iustos, sed peccatores ad pœnitentiam. Quapropter & hæc præcipua quædam sapientia spiritus est, neq; raritate, neque uilitate credentium offendit, sed in his omnibus scandalis nihil moueri, quin permaneas atq; perseveres firmus in fide. Qua q; credunt, de solius diuinæ sapientiæ, potentia & misericordię bonitate gloriantur.

Hie. 9.

Fidelis autem Deus est, qui confirmabit uos, & custodiet à malo.

Dixerat de periculis, quibus possint aliqui a fide auerti. Ita sunt em̄ multi homines importuni & mali, qui Ecclesiam Dei uarijs modis uexāt, & impia doctrina illā, aut prophanis constitutionibus, aut deniq; persecutionum atrocitate de-

COMMENT. IN II. EPIST.

struunt atque corrumpunt. Ideo adiecit Apostolus peculiarem aliam consolacionem, qua iubet, ut qui Euangeli crediderunt, & sunt in iam dictis perturbationibus, bene sperent de diuini auxiliū presentia. Talibus enim nō potest deesse Deus, quin confirmet eos et liberet a malo. Fidelis est enim, & promissa sua his qui credunt in eum, & expectant sui liberationem, praestat. Promisit autem, se affores suis, omnibus diebus, usque ad summationem seculi.

Ita uidemus ergo Ecclesiam frequenter affligi, et esse in maximis temptationū periculis, & tñ cōseruari eam, atq; eripi ex omnibus malis. Et hæc est precipua quædam Deoq; digna fidelitas, suis nunquā deesse, ne quidem in extremis malorū periculis. Ut enim solus tūc potest, ita uult auxilium tentatis praestare, & confirmare illos & custodire, ne in aduersitatū & tribulationum malis uincant. Tandemque aduersarijs digna retribuere. Quem admodū & Petrus inquit: Nouit Deus prios de temptatione eripere, iniquos uero in diē iudicij reseruare cruciando s. Exercenda igit̄ fides est, & patiētia in tribulacionibus, & expectandū omnibus pijs semper auxilium a Deo, quo non deerit suis tempore

tempore cū primis cōuenienti & opportuno.

Confidimus autem de uobis fratres in Domino, quod quæcunq; præcipimus, & facitis & facietis.

Hac aut simili figura dicendi, si ad posse utamur, plus impetramus ab his qui bus cum agimus, q; si duris increpationibus & acerbis cōminatiōibus instemus. Ut ne dicā Euangelici doctoris esse, oīa moderatis correptiōibus et suauibus exhortatiōibus, quæ in officio habet, peragere, atq; ita retinere in studio pietatis, q; s doctrina Euāgeliū formādos suscepit.

Quod tamen Paulus inquit, confidimus de uobis fratres in Domino, significat se ijs loqui, qui fidem Euangelij receperunt: & ob id honore Domini nostri Iesu Christi omnia faciant ac facturi sint, quæcunque debent. Sunt autem debitores glorificandi Dei per omnem occasionem: deinde & castigandæ carnis, & seruiendi proximo.

Dñs autē dirigat corda uestra, in charitate Dei & in patientia Christi.

Id est, Dominus ita dirigat & gubernet uos, in uera charitate erga Deum, ut mandata eius faciatis, simulque in

COMMENT. IN II. EPIST.

fide erga Christum, ut patientiam in omnibus afflictionum difficultatibus praestetis. Dictum est autem supra, quorsum sit opus his precationibus, & quomodo omnis Christianæ uirtutis laus ex Deo est.

Igitur charitatis Dei nomine hoc loco dici intelligamus, eam dilectionem nostrí erga Deum, qua mandata eius prompta obedientia facimus, eum honorantes, qui uidelicet prior dilexit nos, & tradidit unigenitum filium suum propiciacionem pro nostris peccatis. Nam uera illa & efficax dilectio uirtus est credentium Euangeliō Christi, quam & inesse sibi declarant, quicunq; uera in Christum fide præditis sunt. Deinde, Christi patientiam eam uirtutem dici possumus, quæ intra nos est, quaque uarias afflictionum corporaliū persecutio[n]es propter Christi nomen & gloriā perferimus patienter, quæ similiter credentium uirtus est, eiusq; debitores sumus, ut præceptæ dilectionis. Et uocamus ad hoc patientiae obsequiū exemplo Christi, i. Pet. ii. &c. Præstemus igitur patientiam, sine desperatione, ira aut murmure aduersus Deum.

Præcipimus autem uobis fratres,
in no-

in nomine Domini nostri Iesu Christi, ut subducatis uos ab omni fratre, ambulante inordinate, & non secundum traditionem, quam accepit a nobis.

Quos Paulus in hac adiuratione dicat inordinate se se gessisse, minimeque ferendos duxerit, ipse mox infra clare exposuit, maximeque cum inquit: Audiuimus enim inter uos quosdam ambulare inordinate nihil operantes, sed curiose agentes. &c. Loquitur ergo de ociosis istis, quod luxum & intemperantiam sectabantur, & si quid comparatum esset, ad necessarios usus pauperum in Ecclesia, & Doctorum eius, id ipsi, homines ociosi, inertes & noxi, deuorabant. Quemadmodum fit hoc tempore, quod ex opibus Ecclesiæ in usum studiosorum cedere debuit, & in pauperum & ministrorum Ecclesiæ sustentationem, id ab ociosis Canonicis deuoratur & nephario luxu perire: Itemque a Monachis, quorum nullus est usus in Ecclesia. Ac sunt reuera Monachi noxia quedam scandala orbis terrarum. Cum igitur Paulus inquit, ut subducamus nos a talibus, iudicat eos habere peccatum excommunicatione & æterna morte dignum. Olim enim qui

COMMENT. IN IL. EPIST.

Sic peccabat, aut ferendi non essent, ex communicatione castigabant, & reliqua Ecclesia a commercijs illorum sese abstinebat donec emendarentur.

Ipsi enim scitis, quemadmodum oporteat nos imitari. Quoniam non inordinate gessimus nos inter uos, neque gratis panem manducauimus ab aliquo, sed in labore & fatigatione nocte & die operates, ne quem uestrum grauaremus.

Ita quidem hortatur nos Apostolus, ad exempli sui imitationem, quod huiusmodi hoc loco predicat: Non fuimus in ordinati. Quia non manducauimus gratis panem ab aliquo, sed laborates & opus faciētes, de nostro uiximus. Qualia de se etiam alijs locis scribit, ut Act. xx. Ipsí scitis, quod ea quæ mihi opus erat, et his quæ mecum sunt, ministrauerunt manus iste. Et, i. Cor. xij. Quid est quod præ cæteris minus habuistis, nisi quæ non grauauit uos? Quapropter Paulus, ne quod est ut Euangeli cus doctor, uoluit Ecclesiæ sumptibus semper alii, etiā si iure hoc potuisset. Sed certis de caussis abstinuit: de qua peculiari sua gloria, uide quæ scribat, i. Cor. ix.

Eos igit reprehendit Paulini exempli colla-

collatio, nō qui cum agūt Ecclesię docto-
res illius sumptibus alunt, aut q̄ pauper-
tate pressi, morbis & ueris alijs diffi-
culturibus impediti, ne de suo uiuere queāt,
& ideo de ecclesię facultatibus nutriunt̄,
sed qui, cū nihil utiles sint Ecclesię, plerū
que etiā noxij, ualētes et robusti, ut opus
facientes de suo uiuere possent, tñ in illa
turpiter ocio suo consulunt, & de alieno
uiuūt. Quales etiā dedecori sunt Christia-
no nomini, et offendicula multa in Eccle-
sia gignunt. Nec fere nisi hostes doctrinę
Euāgelię agunt. Ethāc manifesta turpitu-
do, qua suum impium ocium de Ecclesię
eleemosyna fouent, est per se graue pec-
catum, Ecclesię censura castigandum.

Nō quasi nō habuerimus potesta-
tē, sed ut nos met ipsos formam dare-
mus ad imitandū. Nā & cū essemus
apud uos, hoc p̄cipiebamus uobis,
ut si q̄s nollet operari, is nec ederet.

Paulus quanq̄ non uteretur concessa
sibi ut Euangeliō Doctori potestate, q̄
Ecclesię sumptibus iure nutrit̄: tñ defen-
dit hoc ius, de quo longe plura scribit, i.
Cor. ix. & i. Timot. v. Debet igit̄ integrę
seruari, ut a Deo cōceatum est, & legē na-
turæ corroboratū, qua dignus est q̄libet

COMMENT. IN IL. EPIST.

operarius mercede sua. Nisi aliud suade at tempus & occasio, aut aliae circunstan-
tiæ. Tunc enim cedet nō nihil de iure suo
Euangelicus Doctor, ne quod offendicu-
lum det Euāgelio Christi. Quid enim
fiat, si Doctores per avariciā omnia au-
deant? Satis igitur liquet, quatenus se-
Paulus, ea in re qua noluit Ecclesiæ sum-
ptibus ali, formam alijs exhibeat ad imi-
tandum. Nam gloriæ Euāgeli primas
in omnibus debemus: & dilectionis est,
operam dare ne cui graues simus & scā-
dala uitemus. Sed hæc impio Papistarœ
ocio nihil patrocinatur, quin etiam istis
propriæ dici existimemus: si quis nō uult
operari, is nec māducet. Nam inertibus
istis, de Ecclesiæ facultatibus, nihil quic-
quam debetur.

Vide enim ut ornent Euāgeliū &
quomodo utiles sint Ecclesiæ, qui sunt
de Papistarū grege, cuius maxima multi-
tudo: quid habet, nisi homines pigros,
inertes, ociosos, uentres, auaros, ambi-
tiosos, scortatores, omnium uīciorum
lernas, insigniter indoctos, atq; ignaros
sacrarū literarum, quin etiam acerbissi-
mos hostes doctrinæ fidei in Christum?
Qui tamen in Ecclesiæ opibus iuxta om-
ne desiderium suum libidinātur, & por-
corum

corum in morem uolutatur. In quos ap-
tissime quadrant illa, ij. Pet. ij. Pro uolu-
ptate ducunt quotidianum luxum, labes
& maculæ, delitijs affluentibus, in eleemo-
synis uestris luxuriantes, oculos haben-
tes plenos adulterij, non cessantes pecca-
re, pellicentes animas infirmas, cor ex-
ercitatum per auariciam habentes. De
qualibus importunis & inordinatis ho-
minibus extat copiosum aliud scriptū,
ij. Timoth. ij. Et ad Titum cap. i. dicunt
effrenes, uaniloqui & mentium decepto-
res, qui & doceant, quæ non oportet, id-
que turpis lucri gratia, Cuius cupiditate
uidemus Papistas nihil non audere.

Audiuiimus enim inter uos quo-
dam ambulare inordinate, nihil ope-
ris facientes, sed curiose agentes. His
autem qui tales sunt præcipimus, &
obsecramus per Dominum Iesum
Christum, ut cum quiete operantes,
suum panem manducent.

Si non sunt ferendi, qui suum ocium
de Ecclesiæ bonis fouent, quanto minus
ferendi sunt, qui isti impio ocio coniun-
gunt ea uicia, de quibus iam dixi. Dein
de, Episcopi & Doctores, qui non mo-

COMMENT. IN II. EPIST.

do nihil ,quod officij sui est ,faciunt: uerum etiam contraria officio agunt,nihilque nisi dominia & tyrannides in Ecclesia quærunt. Isti enim quibus commissa est Ecclesiæ cura , quam præstare negligunt,& sua tantum quærunt,sibi non tantum sunt noxijs, sed etiam totas Ecclesias perdunt. Siquidem consolationem eternæ uitæ illi eripiunt , quam perfidiam in Episcopo et Doctore nō esse tolerabile , quis nō uidet? Deus certe castigat ac punit eam æterna morte: ut est Ezech. iij. atque alijs locis. In Ecclesia aut non est ferenda, ne isti auari & ambitiosi , dominationis cupidi, plures secum perdant.

Quapropter non est frustra, quod Paulus tam copiose & diligenter cōtra tales scribit, qui nullam curam dominici gregis agunt, & in his rebus tantum sunt curiosi, quæ ad fouendum luxum, auariciam, tyrannides, & his similia, faciunt. Vtinam isti audiant Apostolum præcipiem & obsecrantem , per Dominum Iesum Christum , ut cum quiete operates, suum panem manducent. Ac desinant esse graues alijs, ac pudeat eos turpiter affectati ocij, & facultatum Ecclesiæ scelerate distractarum. Cedant officio, & curam Ecclesiasticæ ministratiois idoneis commit-

cōmittant, ne sint exitiales alijs. Multoq; minus uexent Ecclesias per suas impias censuras, inutiles leges & noxias constitutiones, de quibus in alio scripto nōnihil dicemus. Aut certe, si commissam ministrationem retinere uelint, faciant officium se & Apostolica cura dignum, seruianthonori Christi & doctrinæ Euangeliū in nullo desint. Suscipiant pauperū curam, & scholas conseruent. Nam Episcopi, qui hæc facere negligunt, & contraria faciunt, quemadmodum fit hoc tēpore, sunt inutiles ac noxiū, in Ecclesia Dei minime ferendi.

Vos autem fratres, nolite deficerre benefacientes.

Hæc quanq; uideat generalis sententia esse, de perseverando ac proficiendo in quolibet bono opere, homini Christiano precepto: tñ Paulus hoc potissimum agit, ne qui deficiat in largiendo eleemosynam, sine fatigatione, quisq; pro sua facultate, in usus pauperū, & reliquas publicarum utilitatum necessitates. Ut in illo Gal. vi. Ergo dum tempus habemus operemur bonum erga omnes, maxime autem erga domesticos fidei.

Quod si quis non obedierit uer-

COMMENT. IN II. EPIST.

bo nostro, per Epistolam hunc nota-
te, & non commisceamini cum illo,
ut confundatur. Neque uelut inimi-
cū habeatis, sed admonete, ut fratrē.

Hæc in contumaces scribit, qui frater
nam correptionē nullam ferunt, ac mo-
dum præscribit, quomodo sint tractādi.
Eos primum uoluit sibi indicari, qui nā
essent, ut sua authoritate intercedente, ut
Apostoli Christi, facilius emendari pos-
sent. Postea iubet tales a cōsortio bono-
rum excludendos esse, cum haberēt pec-
catum, apud Christianos non ferēdum.
Loquitur autem de illis, qui in impio or-
cio erant, de quibus haec tenus dictū est.
Postremum ita tractandos tamen præci-
pit, ut amica correptione emendetur po-
tius, quam abiçiantur. Adhibenda est ce-
nīm excommunicatio, ut seruiat excom-
municato in salutiferam medelam. Pro-
inde nulli facinorosi ferendi sunt, i. Cor.
v. Nescitis, quod modicum fermentum
totam massam inficit. Item, auferte malū
ex uobisipſis. Et tamen leniter & mansue-
te corripiendi sunt, ne se existiment dam-
nari potius, quam ad salutem retrahi. Et
de illo modo correptiōis, uide quę Pau-
lus scribat, Gala. vi. Vbi inquit: fratres si
pr̄occupa

præoccupatus fuerit homo in aliquo de
licto, uos qui spirituales estis, talē instau
rate mansueto spiritu, &c.

Ipse autem Dominus pacis, det
uobis pacem semper, & omnibus
modis.

Paulus hac precatione & sequētibus,
quibus utitur salutatiōis uice, seu ultimi
uale, concludit Epistolam. Optat autem
Thessalonicensibus in rebus omnibus
prosperitatem et fœlicitatem, nempe, pa
cem quæ duret semper, & omnibus mo
dis contingat, id est, in rebus omnibus,
tam corporalibus q̄ spiritualibus tran
quillitatem & fœlicem successum. Vocat
autem Dominum pacis, aut Deum Pa
trem, ut quem habemus authorem &
largitorem omnis fœlicitatis, & læti ac
prosperi successus. Aut Do . Christum,
qui idem est cum Patre Deus, & Ecclesiā
suam quibuslibet bonis replet, illiq̄ cō
seruat quæ largitur. Hāc igitur pacem &
nobis precemur, cum ut nulla unq̄ pec
cati conscientia periculoſe tentemur aut
terreamur, tum etiam, ut in hoc p̄fensi
tempore quietam & tranquillam uitam
agamus, cum omni pietate & grauitate.

Dominus sit cūm omnib⁹ uobis,

COMMENT. IN. II. EPIST.

Id est, Dñs sit Dux & gubernator ueſter, qui uos protegat, defendat, & res ueſtras oēs iuuet, disponat, ordinet, atq̄ ita dirigat, ut sint honori eiusmet nomini, uobis & uniuersę Ecclesię utiles. Nam et conſtat Dñm Christum, ſuī illis, q̄ fidu- ciam præſentia & auxiliū eius habent, ita ppetuo ad eſſe, uſq; ad consummatio- nem omnium ſeculorum, donec immor- talis uitæ gloria eosdem coronet.

Salutatio mea manu Pauli, quod est ſignū in omni Epiftola. Ita ſcribo.

Ita quibusdā peculiaribus notis cōſue uit Paulus ſua ſcripta defendere, & exclu- dere ſuppoſiticia, quæ pfeudo apoftoli paſſim ipſius noīe ſpargebant in Eccleſijs, cū ſuas impietates & falſa dogmata aliter propagare non poſſent. Qua de re & ſupra ab initio, ij. ca. nonnihil annotauit.

Gratia Domini nostri Iesu Christi ſit cum omnibus uobis. Amen.

Hac precatione, nō aliud dicit, q̄ illa ſu- periore: Dñs ſit cum omnibus uobis. Se- p̄ autem ingeminantur huiusmodi falu- rationes in clauſulis Epiftolarę. Nec o- p̄is habeo ulteriore expositio- ne, q̄ que ſupra frequenter tradita eſt.

Missa ſuit ex Athenis.

F I N I S.



08.6. II 3664

